

GENVA

S I V E

DOMINII, GVBERNATIONIS,
POTENTIAE, DIGNITATIS

Serenissime Reipublice

GENVENSIS

Compendiaria descriptio.

AUCTORE

HIERONYMO DE MARINIS
PATRITIO GENVENSIS,



GENVAE,

Typis Antonij Georgij Franchelli.

ANNO M. DC. LXXV.

Superiorum permissu.





ILLVSTRISSIMO D.

D. IO: BAPTISTÆ
GRIMALDO:

R*Eddo tibi Illustriss.
Domine Hierony-
mũ tuum, qui meis
iterum Typis in lu-
cem redit. Quidni sperem fore,
ut libens excipias, cuius con-
suetudine dum viueret, mirè
delectabar? Studiorum simi-
litudo, propinquitas generis
possunt quidem munus hoc tibi
facere pergratissimum: quippe*

sapientis est amicitias cū ingenio, tū sanguine nobiles vel-
le immortales. Sed præsertim
libelli ratio postulat. Quò mole
minor, eo pretio melior, ut vi-
des, Serenissime Reipublicæ De-
cora, quibus vix orbis satis,
bellè complectitur: Ideoque cui
felicius, quàm ei Viro commit-
teretur, qui consilio possit, ani-
mique virtute velit veterem
augere dignitatem, nedū conser-
uare? Næ tu is, quemadmo-
dum, ita eò plus patriæ, quò mi-
nus modestiæ tuæ videris. Ma-
gna tibi ab annis accessit aucto-
ritas, maiora moribus; siquidem
premia senectutis vel initio ocu-
pasti. Quid Senatus, quid popu-

*lus de te sentiat, quando maius
 laudes mereri, quam ferre, ne-
 mini silebo, præterquam tibi.
 Alter non mediocrem felicitatis
 partem, qua regitur; gloriæ al-
 ter, qua regit, prudentiæ tuæ
 haud parum debet. Eo igitur
 pectore, quo Reipublicæ bono
 eximie consulis, Spectatissimo
 Equiti bene de eandem, &
 calamo, & lingua merito ad-
 esse velis; ut si nihil affinitas,
 amicitiaque privato iure obti-
 net; communis saltem Patriæ
 charitas vestra utriusq; studia
 præseferat coniunctissima. Vale.*

Additiss. & humill. Servus

Antonius Georgias Franchellus

A 3

Ime

Reimprimatur

**Fr. Thomas Mazza Inquisitor
Gen. Genuæ.**

1675. 16. Martij.

**Reimprimatur ex auctoritate Excel-
lentiss. & Illustrissimi Magistratus
Inquisitorum Status.**

***Io: Franciscus Casta-
gnola Cancell.***



IMMACVLATÆ
VIRGINI DEIPARÆ
 DOMINÆ.



Benedicta tu, Sanctis-
 sima Virgo, ac Do-
 mina, quę nunquam
 amouisti misericor-
 diam tuam à nobis. Vt enim
 taceam de alijs perennibus, ma-
 ximisq; beneficijs; Misericor-
 dię tuę, Domina, quia non fui-
 mus à pestilentia bis, terq; con-
 sumpti. Etenim exitialis mor-
 bus, anno vigesimo octauo su-
 pra millesimum quingentesi-
 mū, nos crudeliter vexasse mi-

nimè contentus; post annos
 fermè quinquaginta nos rursus
 afflixit. Ad te confugit Respu-
 blica supplex, ac tuę Immacu-
 latę Conceptioni Aedem sacrã,
 solenesq; publicas supplicatio-
 nes vouit: confestim morbus
 abcessit. Post simile integri
 Iubilæi spatiũ omnes ditiones
 conterminas eadē pestis sæuiter
 depascitur; imò multifariam
 in fines nostros irrumpit, nec
 procul ab Vrbe. Respublica;
 vota olim nuncupata repetens,
 cum tota ferè ditione feruatur
 illęsa. Iam verò impium fuisset
 vel stolidum, bona nostra non
 intelligere, tantęq; dignationi
 tuę pari spe non respondere.

Ideo

9
Ideo paulo post Respublica
Te, VIRGINEM MA-
TREM, elegit in Dominam,
imaginem tuam in Ara augu-
stiori, quasi in sublimi arce lo-
cavit, atq; ad sanctissimos pe-
des tuos prouoluta, humiliter
adorauit. Annè frustra? Haud
ita multo post, pestilentia il-
lam nō iam depascente, sed ferè
pēnitus deuorante, Tu, Im-
maculata VIRGO, publico
Templi voto, atq; pia suppli-
catione exorata, illam ab exci-
dio liberaſti: Et ni præpotens
dextera tua laborantem cum-
maximè Ligusticam nauem,
quasi sacra anchora, tenuisset,
illa, fuisset impacta cautibus,

& illisa, post ipsum Oceanum
 triumphatum, in proprio sinu
 suo passura fuit miserrimum à
 sicca tempestate naufragium.
 Hęc omnia aliquando inten-
 tiùs contemplanti mihi, visum
 est, non modò rationi consen-
 taneum, sed debitum iustitię,
 Tibi, Intaminate Virgini,
 palàm incolumitatis publicę
 beneficium acceptum referre,
 & breuem Genuensis Rei-
 publicę descriptionem, quasi
 votiuam tabellam, ad tuos
 pedes deferre. Tu, Poten-
 tissima; dominaris potestati
 maris, Tu terris omnibus
 moderaris, Tu nimborum, ac
 tempestatum humanarũ qua-
 rum

rumcumque potens es, Tu
 tenes sceptrum Cælorum, Tu
 Omnipotentis voce tonas, ad
 quam vocem, cælestes spiri-
 tus omnes, Virtutes, Pote-
 statesque conueniunt, Tu de-
 niq; subditis tuis Deum placas,
 atq; concilias. Tu ergò eos-
 dem subditos ad leges tuas
 omninò compone: Tu nos
 non nobis serua, sed tibi; imò
 nobis, quia tibi: & posthac
 discant, qui Regna capiunt,
 nedum seruire DEO regnare
 esse; sed Tibi, DEI Genitrici,
 seruire, longè melius esse, ac
 magnificentius, quam regna-
 re. Salue Regina, & nos, vt
 verbis Ignatii martyris, ad te

scribentis vtar, *Ex te, & per te,*
& in te confortemur. Utinam
 à te idē, quod Ignatius respon-
 sum accipiamus, scilicet, *Exul-*
tet Spiritus vester in Deo salu-
tari vestro;





DE REPUBLICA GENUENSI.



VM de Genuensi Repu-
blica multi multa scripse-
rint, inter quæ aliqua nō
bene tornata depræhen-
duntur; operæ pretium
me facturum existimaui,
si aliqua ad notitiām aptiora, quasi
in breui tabula, potius delineabo,
quam scripsero. Urbis Genuæ pri-
mordia, resq; gestas priorum seculorū
rum, quas vetustatis caligo contexit,
vix attingam; Etenim nimis esset
confidentia, Scriptorem, senio pro-
pemodum confectum, dies potius an-
tiquos nullo fructu rimari, quam co-
gitare annos æternos; & inter curas
publicas graues, mordacesq; priuatas,
nubes, atq; inania captare non vacat.
Per securam annalium semitam vsq;
ad maiorum nostrorum decimi circiter
seculū

seculi magna nomina, & priscæ virtutis exempla, imaginesq; pertingam. Recentiora verò, & ea, quæ proximis hisce septuaginta annis, vel oculis nostris vidimus, vel perspeximus, vel manus nostræ contrectauerunt, quorumq; pars aliqua fui, incorrupta fide, sine ira, at non sine studio, memorabo. Studium enim in Patriam, sed æquè in veritatem, adeo non diffiteor, vt etiam apertè profiteat.

Ad rem igitur accedens, quadripartitò, scriptiõnem hanc diuidendam censui.

Primò agam, *De Genuensium Dominio.*

Secundò, *De Gubernatione.*

Tertiò, *De Potentia.*

Quartò, *De Dignitate.*




CAPVT PRIMVM.

De Genuensis Reipubl. Dominio.

SECTIO I.

DE VRBE GENVA.

I.  OMNIVM Genuense
Liguria, & Corsica,
cui adheret Capra-
ria, parua Insula, cen-
setur. Liguria, eiuf-
que ducentorum fer-
me milliarium tractus, ab Ortu Solis
Macra, ab Occasu Varo omnibus, no-
tissimis finibus, terminatur. Septem-
trionale dorsum in colles Pedemon-
tanæ, & Montisferratenfis Regionis,
atq; in plana Mediolanensis, & Pâr-
mensis Dominijs ferè desinit. Facies
veró meridionalis Ligustico mari al-
luitur, & Corsicam spectat, illamq;
cum ipso mari, Orientali ora, & Oc-
cidentalì, (quas hodie vocant *Ri-
niere di Genova*) quasi brachijs, &
gremio fouet, atque complectitur.
Litoralis hic tractus à Finariensi Mar-
chionatu, & à Valle Vneliensi, illo
quidem Hispanicæ, hac Sabaudicæ

di-

ditionibus intercisiis, Sarzanensis vr-
bis agro, qui est ultra Macram flu-
uium, atque Oppidorum Novi, &
Ouadæ territorijs, quæ ultra Apen-
ninum sita sunt, largè suppletur. In
medio ferè huius continentis iacet
Genua vrbs, imò veriùs dicetur asur-
git: quippè, ad altos montes ascen-
dens, ipsorum iugo continuæ nouem
milliarium munitionis iugum impo-
suit: & quæ olim montibus subdita
fuit, atque aperta mari, modò mœni-
bus mare, montesque coercet: adeo-
que duabus pilis, immanibus moli-
bus, seù potius montibus, in mare
demissis, ab amplissimo portu manu-
facto Austrinas, Africanasque tem-
pestates prorsus exturbat.

II. Urbis habitatores, antè nupe-
ram pestilentiam, quæ contigit anno
1657. Centenorum millium nume-
rum implebant: Dimidium morbus
exitialis absumpsit. Gliscente mox
multitudine, vtpotè Cæli salubritate
fœcundante, & loci opportunitate
inuitante, septennij spatium ad septua-
ginta millia excreuit, & augetur in
dies.

III.

III. Duplici moenium gyro vallatur. Interior muri firmissimi, atque dispositis aptè propugnaculis interfecti, quinque miliarium spatium amplectitur: exterior nouem. Inter utrumque Villæ, domusq; innumerae, ad excipiendam multitudinem quantumuis grandem, quæ ingruente bello ad Urbem confugeret, vel consultò, ad eiusdem Urbis tutelam induceretur. Exteriora moenia, non muris exstructis, sed subrutis potius rupibus constant, montibusq; præruptis. Sulphureo enim puluere, opera haud facili, indito, cautibus, & incenso, saxa volant ingentia: mox, malleis ferreis, & scalpro, reliqua rupes formatur in murum. Huic validissimæ munitioni obducta est fossa, cauato saxeo solo, atque adeo cuniculis, & hostilibus accessibus imperuia, ut etiam imperuium exterius, interiusq; pomerium. Hæc, aliaq; singulari industria prouisa, Urbem præclaram statuunt, aduersus quoscunque hostium conatus, tota Europa personante, securam: Adeo, ut maximi Monarchæ tantæ urbis imaginem habere voluerint, quod

exi.

eximium artis cum natura amicè coniurantis opus, non modò animo, sed & oculis obuerfaretur: quodque admirationem augere potest, immensa opera in triennale missa compèdium fuit: sicuti triennalis etiam fuit paulò post nuperæ pilæ constructio: stupentibus aduenis, nautis præcipuè, tantà triennio in marinatà peninsulam, maria clausa, montes, vrbeinque quinquaginta circiter Regalium (vt vocant) propugnaculorum corona circumdatam; & tantum non sidera sublimi vertice ferientem, certè nubibus altiore.

IV. Intra urbem opera publica, & priuata visuntur valdè magnifica: Tēpla præcipuè, quæ pauca alia cuiusuis Urbis sibi præferri vix patiuntur. Tēplum Metropolitanum, in media vrbe situm, & multa ante secula ædificatum, ac ideo nec vastitate, nec recentiore architectura insigni, pluribus alijs cedit ornatu; sed Sanctissimi Præcursoris cineribus sibi creditis, excellit omnia. Ibi, in sacello præclaro, asseruantur decentissimè sacra pignora: verè salutis pignora: nam centies repetito miraculo, solo aspectu,

maris tumentes fluctus, tempestatēq;
compescunt.

V. Omnes Religiosæ familiæ certatim suas sacras ædes, domosque excitauerunt: pleraq; magnificentia spectabiles: omnes priuatorum pietate, opibusque. Cæteris præstantiores habentur ædes Annunciationis Beatæ Virginis à Lomcilinis, Sancti Syri a pluribus nobilibus familijs, Iesu Christi Domini nostri à Pallauicinis extructæ, sed inter omnes micat Collegiata titulo Sanctæ Mariæ ab vna Sauliorum familia a fundamentis erecta, splendideq; dotata.

VI. Reliqua autem publica opera, & ipsa grandia: Palatium, nondum tamen absolutum, Nauale, Aquæductus, horrea. Exiccata magna antiqui portus portio, atque contractum mare, in ipso salo fundatis productioribus vrbs mœnibus, iniectisque ruderibus, ad duplicem vsum. Magna etenim pars data publicis furnis, stru-cturæ magnificentia, non necessitati tantum, sed ornatui Urbis inseruientibus: Maiorem verò partem sibi vendicant plura promptuaria, magnificen-

centioris adhuc operis, mercibus quibuscumq; mercatorum recipiendis, usquedum venundentur, vel exportentur. Sed omnium maximum Domus, necdum perfecta, sed miræ iam magnitudinis, ac pulcritudinis, ad excipiendos, alendos, pietate, atq; opificio instituendos quoscumq; vtriusque sexus, & cuiuscumq; ætatis egenos, ab officio Pauperum, (de quo Magistratu suo loco dicendum erit) nuper pijs eleemosynis fundata in ima valle, & iam colles supergressa: Dubium maior, an utilior.

VII. Priuatæ Domus, similes principalibus, permultæ, & intra veterē cōtractiorem Urbem, maximè ad duas vias nouam, ac nouissimam, & intra Urbem recentiorem, atque laxiorem, & longè plures in suburbijs, ac suburbanis: Ibi amœnissimæ valles in litora desinentes, lætos colles, ac fluuiorum Bisamnis, scè Feritoris, & Porciferæ limpidas aquas excipiunt; quorum ille orientale Urbis latus præterfluit, hic aliquantulum ab occidentali recedit. Ab hisce vallibus, litoribus, collibusque (precipue ad litus, & subur-

burbanum, cui Sancto Petro de Arena, & in colle, cui Albario sunt nomina) attolunt se se quamplurimę ample, aspectuque ipso iucundissimę domus priuatorum, quę quidem, si possent in vnum coire, vtique Urbem quacunque alia pulciorem, magnificentioremq; conflaret.

VIII. Ibidem domibus coniunctę Villę, hortique, omnibus naturę, & artis delicijs affluentes, ac omnis generis arboribus confiti: maximę malis aureis, citris, limonijsque, quę arbores, parietibus domorum, & Vislarũ macerijs prætentæ, in domos edificari, & saxa ipsa fecundare videntur: Certę parietes faciunt viridantes, discolors, ac versicolores, pendentibus varij temporis fructibus, & alben-
tibus floribus, qui, rosis, apiarijs (Italicę *Gelsomin*) hyacintisq; coniuncti, numerosa, imò potius mista, gratissimaq; suauitate odorum, atque vario, & lætissimo prospectu, nedũ sensus, sed animos suo modo, nutriunt, recreantque.

IX. Porro Suburbijs, absque interstitio Suburbana iunguntur, quę viatori-

toribus imponunt vel molestè, vel iucundè. Venientes enim, longam agitationem pertæsi vei maris, vel iumentorum, ad Suburbani remotioris ingressionem, citò nimis urbem se putant ingressos, fallunturque: abeuntes verò, se vix ab urbe digressos existimantes, longè iam se abesse, & multum processisse cognoscunt. Suburbana autem, ad orientem septimo ab urbe lapide, Neruo, humili vico, ad occidentem, decimo lapide ab eadem, Vulturo oppido terminantur. Sed, antequam Vulturum, offert se Pelium (vulgo *Pegi*) pagus nautarum populo plenus, atq; insignibus nobilium aedibus, prædiisque apprimè ornatus, quo ægroti, & ex morbis conualescere incipientes, ac valetudinarij, potissimum per hyemem, quasi ad sanitatis asyllum, præ aeris temperie, ac loci amœnitate confugiunt.

X. Aliud simile perfugium, atq; à frigore fortassè tutius, præbet vicus, quem modò diximus, Neruum, qui piscatorum, agrestiumque casis, nonnullas etiam per adjacentes colles, ac litora, nobiles ædes adiungit. Hic tra-

ctus


Atus duo passuum millia non excedens,
 perpetui veris est sedes; Ideòq; fortasse
 Neruum fortitus est nomen, quasi Ver-
 num, facili corruptela. Ibi parum est
 rigente bruma prata virescere, verna-
 re fata: parum etiam ab eodem aureæ
 mali ramo pendere simul quæ flores,
 quæ fructus, partim florido calyce de-
 hiscente vix apparentes, partim gran-
 diusculos, sed virentes, alios virentes
 simul, & croceos, adhuc tamen acer-
 bos, alios demum maturos, aureosq; &
 nedum oculos delectantes, sed etiam
 gustum sollicitantes: Etenim hæc om-
 nia communia sunt vniuersæ ferè pro-
 uinciæ, eiusmodi arborum nemoribus
 affluenti: At vnum Neruum reperias
 perpetuo, ac multiplici brumali flore
 odoratum, & maximè rosis. Sed, & hoc
 parum: nam ibi præmittit hyems cina-
 ras, seu carduos altilis (Italis *carciofi*)
 pisa, fraga, quæ alibi adulto tantum
 vere promuntur, nisi solito molliore,
 ac placidiore fortè hyeme, quod Ligu-
 riæ haud rarò contingit. Flores hi ver-
 ni, rosæ, fructusque præcoces, exilis
 fortasse redditus videantur, quasi pau-
 corum delicijs tantum, vel pregnan-
 tium

tium appetitibus indulgentes: Sed cōtra est: Nam cinaræ, rosæq; ad multas per Italiā Vrbes trasportantur, ideoque, & Genuæ haud vili pretio emuntur per hyemem: pisa verò, & fraga, mensis delicatioribus reseruata, certè paruo non parantur.

XI. Denique ora maritima vtrinque circa urbem ad passuum vigintiquinq; millia perpetuis ædificijs, pierisq; nobili structura conspicuis, est referta: itaut, mari ad urbem accedentibus exteris, vix credibile sit, illa omnia urbem vnā esse, & non esse.

SECTION II.

DE ORA MARITIMA OCCIDENTALI.

I.  IS dictis de Vrbe, ac Suburbijs, & Suburbanis, tendendum est doxtrosum ad oram, seu prouinciam occidentalem; vbi primum occurrit, quod diximus, Vulturum, frequens diuitibus mercatoribus oppi-

oppidum, atq; vulgo nautarum, quod, assidua, etiam ultra fretum Gaditanum, nauigatione, magnas quæsiuit opes, & optimo earundem usu, Templum, quod vel Romæ spectari mereretur, breui temporis spatio priuatorum ære construxit. Mox aditur oppidum Arenzanum, quod, paucis ab hinc annis infra mediocritatem, modò in tantum excreuit, vt nauibus onerarijs grandioribus ultra quinquaginta Mediterraneum, Oceanumq; percurrat. Inde, eundem cursum occidentalem tenentibus, post Cogoletum vicum occurrit Vorago oppidum non ignobile, atq; valetudinarijs hyemalibus mensibus apricum, placidumq; litus expandens.

II. Mox, post pagos Cellas, & Arbisolam, quæ optimo vino laudatur, obuia fit Sauona, Vrbs vetus (de qua Liuius lib. 28. in fine) ciuium nobilitate, ac diuitijs præstans; sed duorum Maximorum Pontificum, Sixti IV, & Iulij II. natalibus multò præstantior: mænibus, cæterisq; munitionibus, & arcibus, ad excipiendo, & repellendo hostiles im-

26 DE GENVENSI

petus abundè munita, stationemq; habens triremibus alijsque minoribus nauigijs satis commodam, & quinto ab Vrbe lapide portum Vadorum (antiquis Vada Sabatia) cuiusq; maiorum nauigiorum classis sufficientem: Nobilitata verò est cum maximè ab Apparitione Sanctissimæ Dei Geutricis quarto ab vrbe milliario; vbi, in eiusdem honorem, & Dei cultum, sacra ædes, tota circumquaq; prouincia, & adiacentibus regionibus, inclyta, cum ampla domo, quamplurimis pauperibus alendis, & peregrinis excipendis, erecta est, & apprimè ornata, splendideq; habita. Iuxta urbem multa priuatorum prædia, ædesque conspicuæ, ad potissimum in Suburbijs Lauaniola, & Legio; vbi etiam Villæ multæ, nedum ad delicias, sed & ad prouentus, redditusq; non exiguos cultæ: Territorium enim æquè amœnum, ac ferax, præcipuè vini optimi.

III. Succedit Naulum, Ciuitas, vel plurimarum turrium priuatarum certissimo indicio, quondam potens, nunc

nunc verò Episcopalis quidem Sedis decus retinens ; Sed raro habitatore : stationem præbet quibuscumq; nauigijs tutam : Sequuntur Petra oppidum , & pagi Burghetum , ac Ceriale : Exin Albinga , veteribus Album Ingaunum , Vrbs magni olim nominis : modò autem Cœlo parum salubri , ad paucos habitatores redacta . Etenim nobiles familiæ plerumque in suburbanis degunt , vel feudis suis , vbertate etiam glebæ alliciente , & generosa vina ministrante . Postea Alassium oppidum , amplitudine multis Ciuitatibus præferendum , quod Promontorio Meiræ , (à Meira fluuio præterlabente nomen sortito) multum in mare extento , fidam stationem nauigijs indulget , abundatq; oppidanis ornatissimis , ac diuitibus , mercaturam , & mare colentibus ; nec non nautis , per mediterranei litora , scopulosuè coraliū expiscantibus , cui rei maximè incumbunt habitatores Aquiliæ pagi Alassio contermini . Mox Andoria inter colles vitibus virentes , & Ceruum Castellum propter

litus assurgunt . Proximum est Dianum , oppidum insigne , præclaris omnium facinoribus , pluribusque nobilibus familijs , & agro olei optimi feracissimo , nec suauissimo vino carente , alijsque fructibus omnibus . Postea erectum caput ostentat Portus Mauritius , in colle secus mare , oppidum itidem nobile , frequens , diues , & Episcopali tiara dignum . Exinde Tabia paululum à mari refugit , atque ex colle se se demittit in Vallem , nobile pariter oppidum , quod Sanctæ Ecclesiæ dedit quamplures viros doctrina præstantes , & multos insulis ornatos : vino verò , quod muscatum vocant , Cyprijs , Creticis , Falernisque fortassè antefereundo , celebris .

IV. Sequitur Sancti Romuli oppidum , in vicum antiquæ Matutianæ , quondam à Saracenis euersæ . Numerantur in illo ad quindecim , & ultra hominum millia : vulgo victum , primoribus vitæ commodis suppeditantibus , præter communes terræ fructus , malis aureis , citris , atque limonijs , maris beneficio , ac
iumen-

iumentorum dorso in Transalpinæ
Galliæ, atque Germaniæ regiones,
imò ad vsque magnæ Britanniæ, Da-
niæ, Noruegiæ, Succiæ, Poloniæq;
Regna transmissis. Hæ arbores sc-
ptem vallibus continentur, quæ ve-
ré appellari possunt Paradisus malo-
rum aurearum, quarum fragrantia
per aera, perque pelagus ad multa
milliaria longè latèque diffunditur:
Palmarum quoque ferax est Sancti
Romuli ager, quas circumiectæ pro-
uinciæ omninò nesciunt; atque ipsi
Romani Pontifices illas ad sacras
maioris hebdomadæ ceremonias a-
liunde non habent: præmonstrante
fortassè ipsa rerum natura, Sanctam
Dei Ecclesiam ab Liguria multum
palmarum nobiliorum, & habuisse, &
sperare posse. Tandem Liguriam
ab occasu Solis claudit Vintimillium,
Sedes Episcopalis, habitatores ha-
bens paucos, sed diuites agri fœcun-
ditate: Ciuitas quondam ingens;
Gnitiæ Sancti Antonij matris patria,
atque (vt tradit Paulus Britius Epif-
copus Albensis, in libro de Progres-
sibus Occidentalis Ecclesiæ pag. vii.

decima supra centesimam) eiusdem
Coenobitarum Patriarchæ, ibi in lu-
cem editi, nobilitata cunabulis.

SECTIO III.

DE ORA MARITIMA

Orientali, & Mediterraneis.



MOdò Genuam rede-
undum: Indè ten-
dentibus in Orien-
tem, obuij fiunt
(post ea, quæ dixi-
mus, suburbia, ac su-
burbana, Neruumque) pagi Buliaf-
cum, & Saulum: Mox Rechum; ex in
Camulium, vnde Promōtorium, quod
Caput montis appellant, excurrens in
mare, ab sinistro latere Portum Del-
phinum abscondit ab Africo, & ab
omni tempestate tutatur. Mox
Rapalli sinus aperitur, nauigijs gran-
dibus satis tuta statio; pluribus ad
mare vicis, & collibus fructiferis
pulcher: præcipuè pago Sanctæ Mar-
garitæ, qui Sancto Romulo magni-
tudine tantum cedit, ac palmis: Au-
rea

rea mala producit meliora . Rapallum verò vicus est insignis , mercatoribus , nautisque frequens . Ibius dicitur multis hominum millibus , conuenientibus ex frugifera admodum valle , & agro satis amplo , vel fructibus pleno , vel gregibus . Inde , post quinque passuum millia , Clauarum suum litus extendit , oppidum celeberrimum , ac pulcherrimum , sacrarum ædium magnificentia , pluribusque nobilibus familijs clarum , amæno , fertilique , & vina laudatissima largiente agro , eoque (vt in prouincia non ampla) latifundia continente . Proximus Cluaro est (Lauania fluuio tantum intercedente) Lauania vicus , nupera pulcherrimi templi constructione spectabilis , Lauaniæq; Comitatus multarum nobilium familiarum meritò decantatus origine . Sequitur Segestum , oppidum peropportunè situm , amplis predijs , & foecundo territorio , maximè vini , mensis nobilioribus reseruandi ; habitatore multo , vt potè terræ , mari , ac mercaturæ operam dante . Ibi plerumque vitam degit

Brugnati, mediterraneæ Ciuitatis, Episcopus, maritima montanis, hybernūq; Solem niuib; vernis anteferens. Mox Monelia, ac Framula pagi, & Leuantum, oppidum diues, & quinque Castella vocabulo Mons ruber, Vernatia, Cornelia, Manarola, Riuus maior. Hæc Castella in maris, præruptorumque montium sunt locata confinio: &, quando ager omninò decrat, nec aderat Thaumaturgus, quo montes iubente recederent, industrij habitatores, per ardua scopulorum enisi, & manibus, quasi per murales scaldas, magis quam pedibus procedentes, vitesque ipsis cautibus inferentes, vinum, antonomasticè appellatum *Amabile*, de saxo durissimo expresserunt; vndè quinque terrarum ignota alioqui nomina, nec agnoscenda, ad omnes per Europam regiones delata sunt.

II. De rupibus descendentes ad mare, Spedia oppidum in sinum suum, non apertis vlnis excipiet. Sinus hic, palmaria insulæ obiectu ab austro aliqua ex parte tutus, &
Afri-

Africo, Portus Lunæ à veteribus appellatus est: Sed, quod maximè securitatis interest, aliquibus promontorijs procedens, totidemque recedens litoribus, plures efficit portus optimos: quorum, qui primus occurrit, commune cum imminenti oppido, atque arce, nomen à Venerenactus est, licet à templo vetusto Sancti Venerij, verè sit dicendus: forsitan ob totius Sinus, ac positus pulcritudinem; quæ in ipso loci vestibulo, Veneris nomine, quasi omnis venustatis titulo, inscribenda esset: Siuè Vrbi, quondam Lunæ vocabulo cohonestatæ, Veneris portum, oppidumque, insita vulgò leuitate, & inter proximos æmulatione, è regione opponere voluerunt. Spedia, quæ alijs Species, insigne omnino multis nominibus oppidum, facie in meridiem obuersa, integram Solis periodum dimetitur: dextero sui sinus latere, seu brachio, eiusdem Solis orientis radios venientes excipit; leuo deponit abeuntes; Vtrique brachio non desunt manus armatæ; Siquidem dexterum desig-

nit in Portum Veneris, seminarium
 nautarum, sociorum naualium, na-
 uiumque gubernatorum, per quos
 expedit classes, quasi missilia; Sed
 munitissima Sanctæ Mariæ arce, in
 peninsula sita, cominus vel pugnat,
 vel terret. Sinistrum verò, icuto
 Illicis oppidi, & arcis, turrisuè gran-
 dioris, pendentibusque ex ea mille
 clypeis fortium oppidanorum, nu-
 merosique, ac bellacis populi, regio-
 nem protegit, ac tuetur. Porro ele-
 menta omnia sinus huius bono con-
 spirant. Aer benignus, ac purus;
 Terra, latè sternitur in planicies, le-
 niter assurgit in colles, molliter cur-
 uatur in Valles: vbique optimorum
 omnis generis fructuum, & frumen-
 ti, vini, oleique ferax: Mare piscibus
 abundans, & insigni, perpetuoque
 naturæ miraculo nobile: quippe
 aquæ dulcis fons è medijs salis vndis
 erumpit, adeo copiosus, vt repelle-
 re valeat accedentia parua nauigia:
 Docente ipso auctore naturæ Deo,
 homines posse, & inter mortalis vi-
 tæ fluctus, animi tranquillitatem,
 atque inditi ab ipso Deo spiritus dul-
 cedi

cedinem conferuare. Ad naturæ dona accedit ciuilis dignitas, plurimumque nobilitas familiarum. Tandem Vrbs Sergiana, vulgo Sarzana, vetustæ, ac nobilissimæ quondam Vrbi Lunæ substituta, Genuense Dominium nobiliter complet. Fulget Episcopatu præcipuo, ciuibus, familijsq; nobilibus, territorij amœnitate, ac fœcunditate; Sed omnium maximè Sancto Eutychiano, Christi Martyre, atque Nicolao V. egregijs Romanis Pontificibus genitis, est celebranda.

Hæc de Liguribus secùs mare habitantibus.

III. Interiora constant multis oppidis, pagisque innumeris, multo habitatore frequentibus; Triora, Ceriana, Zuccarello, Plebe Teicij, Toirano, Saxello, Ouada, Nouis Gauio cum arce munitissima, Vultabio, Montobio, Roccatagliata, Varisio, Castilione, Carro, Burghetto, Godano, Vectiano, Trebiano, Arcola, Coruaria Amelia, Hortonouo, Castronouo, Nicola, Bolano, alijsque,

36 DE GENVENSI

In vniuersum tota Liguria frumenti parum, at vini, oleique optimi, & fructiferarum arborum largè foecunda: sed fulcorum terræ sterilitatem supplet maritima natio fulcando mari, cuius experta est elationes verè mirabiles.

S E C T I O IV.

DE REGNO CORSICÆ.



Odo transmittamus mare, & in Corsicam nauigemus, quæ est tertio loco ponenda inter Tyrreni maris insulas, centesimo milliario à Genua dista. Excurrit à Septentrione in meridiem milliaria centumquingenta. Circuitus eius quadringentorum. Centum viginti, & ultra hominum millibus habitatur, & longè pluribus habitaretur, nisi gens ferocior armorum tractandorum, magis, quam terræ vomere, aut ligone versandæ tangeretur amore. Sex Episcopatus habet, Marianensem,

sem, Accensem, qui in vnum coaluerunt, Aleriensem, Aiacensem, Nebiensem, Sanguntinum. Habet plura oppida, multos pagos; Olim multis vrbibus celebris fuit, Plinio teste, alijsque.

II. Tellus varia. Quæ spectat Italiam, non parum fert frumenti: reliqua referta vitibus, oleis, ficibus, castaneis, amygdalis, moris alendis bombycibus, vnde sericum optimum, tandemq; nemoribus pulcherrimis, arbores ad omnem humanum vsum, & feras ad venatorum satietatem, alentibus. Vino multo abundat, eoque laudato. Mare alluitur piscosissimo. Terræ viscera ferri fodinis affluunt: naturæ cum ipso Corsicæ nomine in vnum conspirantis præiudicio. Corsi enim corde sunt ferreo, adeoque ad sicam, armaque prono. Campi verò, montesque innumeris gregibus, caprarum præcipuè, equorumque, atque apum examinibus abundant, & lacte, ac melle manant: Aptè etiam ad Corforum ingenium, qui sub lingua, cum lacte, & melle, habent aculeum, adeo-


adeoque foro nati sunt: Bello autem fortissimi, quippe qui cum Romaa Republica plura bella gesserunt acieque iustis exercitibus dimicant; præcipue anno 577. ab vrbe condita cum Prætorè Caio Cicereio, qui in pugna ædem vouit Iunoni monetæ, & vicit, cæsis Corforum quinque millibus: ita Liuius lib. 42. circa initium, Insuper scatet Corsica aquis medicis, curandis morbis.

III. Duas habet arces munitissimas Bonifacium scilicet, Genuensem coloniam, cum portu insigni, & Caluium, pariter cum optimo portu.

Habet etiam alios portus duos; alterum ad Aiacium Urbem, vbi sinus grandis, atque ager pulcher, & foecundus; alterum, & quidem pulcherrimum, in parte interiore (ut vocant) quæ vergit in Orientem, vocabulo Portus vetus.

Hæc pro nostri operis ratione de Dominio Genuensi, quoad dimensionem terrarum, & habitatorum frequentiam, atque de hominum, terræque ingenio dicta sufficiant.

DE MARI LIGUSTICO:

I.  Erum quia Genuenses suum Dominium Liguriæ, Corsicæq; litoribus negant includi; aliquid de Mari Ligustico, quod sibi asciscunt, attexendum est. Illud ergo Genuensium virtute per maria omnia diffusum fuisse opportunè demonstrabitur. Nunc de eius tantum natura, Dominioq; pauca subdemus. Longitudo eius Liguriæ litorali equalis: Latitudo ab Liguria in omnia Corsicæ litora extenditur. Procellosum est ab Austro Africo: à Borea etiam nonnihil periculofum, si nauigiorum gubernatores clauum tenentes, subitos è montium faucibus erumpentes ventos minus promptè declinent. Apud plerosque diffamatum est ex piscium penuria: Sed si habitatorum, quos alit, numerus computetur, omni caret sterilitatis infamia: quin potius à fecunditate cele-

celebrandum, cum ab Liguria multum piscium ad mediterraneas regiones vniuersę Cisalpinę Gallię iugiter transferatur.

II. Dominium Ligustici maris Genuensibus ferè omnes, certè omnes siuè Iuris, siuè historiarum scriptores attribuunt: quod quidem magno illis constitit, exturbatis ab eo, & iactatis, exactisq; æquore toto Saracenis. De hoc Dominio maris Ligustici videndus omnino Petrus Baptistæ Burgus.





CAPVT SECVNDVM.

DE REIPUBLICÆ GENVENSIS
Gubernatione .

S E C T I O I.

DE MAGISTRATIBVS ;
atque Cenciljs .

I.



RADITIS ijs , quæ
 de Reipublicæ
 Dominio traden-
 da erant , tran-
 seundum est ad
 eiusdem Reipu-
 blicæ governa-
 tionem.

Summa , omnisque potestas est
 penes Patritiorum familias , quæ ,
 præter absentes , & vigesimum se-
 cundum ætatis annum nondum
 transgressos , modò septingentorum
 numerum non excedunt . Huic or-
 dini

dini aliquando aliqui pro temporum opportunitate adscribuntur.

Hi omnes Maius Concilium constituunt.

Quotannis ex hoc numero ducenti, maiores annis vigintiseptem, seliguntur, qui Minus Concilium appellantur.

II. Ambobus Concilijs præfunt duo Collegia; Alterum duodecim Senatorum, vna cum Duce, qui est totius Reipublicæ caput; alterum octo Procuratorum, quibus additi, qui ducali dignitate perfuncti sunt, atque, quoad in humanis agunt, & ipsi Procuratoriâ dignitate censentur, parem, vel circiter, Senatui numerum explent. Dux ergo cum ambobus hisce Collegijs, Ianuario mense appetente, minus Concilium cogunt, ad hoc, vt per illud eligantur triginta (vt lex loquitur) optimi Ciues, coram iisdem Collegijs, sed suffragium non ferentibus; qui triginta viri postridie ex toto maiori Concilio eligunt Minus ducentumvirale Concilium in sequentem annum. Hi triginta viri biduo, vel tri-

duo,

duo, munus expediunt, & Kalendis Ianuarijs succedit nouum annuale Concilium Minus, quod tamen plerumque constat ex ijsdem ciuibus, ex quibus constabat Concilium anni præteriti, paucis mutatis, vel per obitum, vel per absentiam, vel ob aliquam iustam causam, seu impedimentum.

III. Duo veró Collegia, præter eos, qui Ducalem dignitatem tenuerunt, forte extrahuntur ex vrna, in quam centum viginti virorum selectorum nomina conijciuntur hoc pacto.

Cogitur quolibet Iunij mensis initio Minus Concilium, vt suppleatur numerus virorum Centum viginti: scilicet in locum demortuorum, & eorum, qui proximè ex vrna extracti fuere, qui saltem sunt decem numero: Etenim bis in anno educuntur quinque ad biennale munus Senatoris, vel Procuratoris, & tres prius educti Senatoris, reliqui duo Procuratoris munere funguntur.

Diximus saltem decem quotannis extrahi; quia non raro accidit,

vt

44 DE GENVENSI

ut extra ordinem fit supplendus numerus Senatorum, vel Procuratorum, nempe eorum aliquo vita funesto, vel ad Ducale fastigium assumpto, vel utcumque impedito; præterquamquod ex toto Centum viginti virorum numero plures in anno vita excedunt, eorumq; etiam loco alij sunt substituendi, ut dictum est.

Cogitur ergo mense Junio Minus Concilium coram Collegijs. Vnusquisque de Concilio prodit nomen illius civis, saltem quadragenarij, quem dignitati Senatoriæ, & Procuratoriæ parem esse putat. Mox idem Concilium, ter ad summum latis suffragijs super vnoquoque nominatorum, seu candidatorum, ex illis seponit numerum duplo maiorem eo numero, qui doest ad numerum Centum viginti. Hic demum numerus, duplo maior, Concilio Maiori proponitur, & ex illo eliguntur tot, quot desunt ad supplendum numerum Centum viginti virorum, qui dicitur Seminarium.

IV. Ducis vero electio huiusmodi est. Duce, biennio exacto, ad propria

GVBERNATIONE: 45

pria reuerſo, congregatur maius Concilium: numerantur Conſiliarij, qui interſunt, & totidem globuli ponuntur in vrna cooperta, ex quibus quinquaginta deaurati, reliqui deargenteati, cœtera omninò ſimiles. Vnuſquiſque ex Conciliarijs (nemo autem ex duobus Collegijs, quæ in Ducis electione habent ius ſorendi ſuffragij, non autem nominandi) ſua manu, cæco delectu, capit globulum ſuum, Sortiti deauratum numero quinquaginta, ſecedunt in conclauē, & quiſque, ciam ſocijs, ſcribit nomen illius, quem ad Ducatum euehendū cenſet, modo non ſit minor quinquagenario. Editis nominibus, ſi fortè nominati numerum vigefimum non attingant, à quinquaginta nominatoribus ſcrutinium repetitur. Stato ergò numero ſaltem viginti candidatorum, itur in ſuffragium cuiuslibet eorum, & quindecim ex eis, qui plura ſuffragia fauentia retulerint, doſſera die deferuntur ad minus Concilium, cuius ſuffragijs quindecim viri rediguntur ad ſex; qui tandem ad maius Concilium denuo referuntur.

feruntur , atque ille , qui plura suffragia retulit , Dux renuntiatur .

V. Prosequamur modò quænam sint horum in Republica partes .

Dux cum duobus ex Senatu expediunt quædam leuia ; vel , si grauiora , incontinenti , quæ postea Senatui , vel Collegijs approbanda proponuntur .

Dux cum Senatoribus Principem refert , & fungitur auctoritate Supremi Rectoris , ita ut possit cuncta peragere , præterea , quorum potestas ei per leges adempta est . Ciuiles controuersias omnes dirimere potest , vel alijs dirimendas mandare ; testamenta , omnesque contractus potest infringere , & demùm præcipere , regere , & gubernare .

Res verò , quæ ad statum Reipublicæ pertinent , administrat vnà cum Collegio Procuratorum , de quo supra diximus ; quod quidem Procuratorum Collegium procurat Ærarium , & publica bona , atque alia nonnulla , ei à legibus demandata .

Res autem publicæ grauiiores ,
neque

GVBERNATIONE: 47

neque à duobus simul Collegijs expediri possunt, nisi adhibito minori Concilio. Quinimo ad multa necessaria est etiam auctoritas Concilij Maioris.

Vtriusque Concilij comitijs semper interfunt quinque Legum Conservatores, quorum munus est curare, nè quid contra Leges fiat.

VI. Præter duos maiores Magistratus, seù duo Collegia, & duo Concilia, seù Conciones, sunt in Republica quamplures Magistratus singulis functionibus accommodati. Præcipuè septem viri, Status Inquisitores appellati, qui, quasi è specula, publica pericula cuncta prospiciunt. Alij, numero sex, curant ea, quæ quovis modo spectant ad bellum. Alij quinque curant Annonam. Totidem alij triremes. Totidem naues publicas bellicas, purgando à piratis mari. Totidem mœnia, pilas, portum, aquæductus, vias, opifices. Totidem procurant esculentia, & poculenta quæcumque, pondera, mensuras. Alia demùm tribunalia, alijs functionibus erecta.

Deli-

Delictis puniendis, litibusque dirimendis, adhibentur Iuris periti exteri. Si verò res exigat, in criminalibus extra ordinem per vtrumque Concilium publicæ vtilitati consulitur, & Sæpè Suprema potestas duobus Collegijs in aliqua re graui conceditur.

VII. Ne autem quis metas attributæ sibi per Leges potestatis excedat, inductus est, præter Legum Conseruatores, quos diximus, quinque virorum Magistratus, ad cuiuscunque aliqua publica auctoritate fungentis, censuram; Supremorum Syndicatorum appellatione: cuius est vigilare, ne Dux, neque alius cuius Magistratus, vel aliquis ex Magistratu quocunque, & ne quis, etiam infimi ordinis minister, publica auctoritate abutatur, nè quid contra Leges vel fiat, vel omittatur. Quod, si aliquid huiusmodi administrum fuerit, animaduertere potest pro culpæ grauitate, & vel capite damnare. Si tamen quis reus fiat constante Ducali siue Senatoria, siue Procuratoria dignitate, neque-

unt

uñt Supremi Syndicatores in illum
ferre sententiam : sed rem ad minus
Concilium deferunt , cuius est , ab-
sentibus ambobus Collegijs , & ipsis
Supremis Syndicatoribus referenti-
bus , ac Præsidentibus , causam co-
gnosceret , absoluendo , vel condem-
nando . At si quis finito Ducali , vel
Senatorio , vel Procuratorio munere ,
vel quouis alius , á Supremis Syndica-
toribus vel capite damnetur , vel no-
tetur infamia , potest ad minus Con-
cilium prouocare .

VIII. Aliud , & illud insigne
Tribunal in Republica est , Prote-
ctores domus Sancti Georgij . Quan-
do ærarium publicum maximis , &
continentibus bellis per tot retrò
sæcula exhaustum est ; sæpe numero
oportuit mutuari pecunias , ideoquè
publicos redditus oppignerare , &
multa vectigalia in solutum credito-
ribus dare , per ipsosmet creditores
exigenda . Vtq; eorundem indem-
nitati consuleretur , facta est iisdem
à Republica potestas ex se ipsis qua-
dringentorum Concilium eligendi ,
& Magistratum eorum , quos dixi-
mus

mus, octo Protectorum, aliosque minores Magistratus constituendi, quorum muneris est, nedum opprimeratorum vectigalium exactio, sed cuicumque creditori, pro modo crediti, iusta solutio, & quarumcumque ciuiliū controuersiarum de huiusmodi rebus, & earum occasione, cuiuscumque etiam capitalis criminis, iuxta Reipublicæ Leges, absque prouocatione cognitio, iudiciumque. Huic Vniuersitati multa à Republica priuilegia concessa sunt, ad còque religiosè custodita; vt non defuerint, qui in vna Ciuitate duas putauerint Respublicas constitutas, quod vtique falsum est. Quantum potestatis huic Vniuersitati à Republica datum est; tantumdem eidem apud omnes, etiam externos, conciliatum est dignitatis, ac fidei. Siquidem, nulla vnquam Reipublicę, vel vltima calamitate, vel mutatione etiam, factum est, vt creditoribus non sit satisfactum; adeòut, hostibus etiam ingruentibus, in suprema pecuniæ necessitate, nunquam Respublica immensam auri, argentique summam,

GVBERNATIONE: 51

mam, tuto illi asylo creditam, vel respexerit. Locupletissimi verò huius rei testes fuerunt plures perduellionis rei, damnatique, quibus, eorumque hæredibus, satisfactum fuit semper æquè ac ciuibus optimè meritis. Hinc euenit, vt non solum in illo erario elicita è vectigalibus pecuniæ afferuentur; Sed vt in illud summa grandis priuatorum, etiam, exterorum, pecuniæ vndèquaque confluerit, confluatque. Hæc de Magistratibus Vrbanis.

IX. At Liguria omnis per Gubernatores, Prætoresue annua tantum potestate præditos, administratur. Corsicæ verò Magistratus omnes biennales. Vnus Regni Gubernator cum gladij potestate, etiam in omnes, qui ei subsunt, Iudices. Gubernator autem pendet à duobus Collegijs, quæ per Magistratum, quinque virorum res Corsicas administrant.

Demum omnes, quos diximus vel Urbani, vel per totum Dominium Magistratus, eliguntur, vel per sola Collegia, vel adhibito tan-

tum minori Concilio, vel etiam Maiori Concilio conuocato.

X. Leges habet Respublica peculiare, easque pro recta rerum administratione, temporumque opportunitate, quandoque vel mutat, vel corrigit, vel tollit omnino: Sed hæc fiunt tantummodo duobus Collegijs ad vtrumque Concilium referentibus, & iisdem Concilijs probantibus. At nouæ Leges, quæ antiquas non tollant, vel corrigant, constitui possunt ab iisdem Collegijs, minori tantum Concilio adhibito.

SECTION II.

DE PIIS OPERIBVS Publicis.

I.



PRIME constitutæ Republicæ ea, quæ hucusque retulimus, sufficere posse videantur: sed nonnulla subdenda sunt, quæ non sine maxima iniuria præterirentur: Genuenses, quam Christi Domini

GVBERNATIONE! 53

ni nostri fidem ab ipsorum Apostolorum æuo auidissimè hauserunt, nunquam dimiserunt, imò armis, & proprio, hostilique sanguine asseruerunt; eximiae etiam erga Deum, pietati copulauerunt. Ideò anno humanæ salutis 1637., non docente humanæ prudentia, nec suo bifronte Iano inruente, qui, & præterita respiceret videtur, & ventura prospicere; Sed Deo auctore, diuinum libertatis beneficium, Dei genitricis intercessionem acceptum præcipue referendum, & cum maxima cautela tenendum esse intentius intuentes; Sanctissimam Dei Genitricem Mariam, uti peculiarem Reginam, sacris eius pedibus prouoluti, salutauerunt. Piam verò, tantamque Reginam, eius ad exemplum, quantum humanitùs licet, pietatis officijs æquum erat omninò demereri. Hoc præstiterunt semper, præstantque pro viribus Genuenses. Siquidem Pia opera, dudum antea in sua Vrbe instituta, semper nouis in dies incrementis amplificant.

II. Dudum ergo instituerunt Officium Pauperum, ut vocant, ad omni-

nium pauperum confugium , atque subsidium . Huic Officio inseruiunt Octo viri , quorum munus est mendicos omnes de triuijs , templisque tollere , & in vnum cogere , alere , vestire , ijsque de vitę necessarijs providere , eos ad pietatem erudire , ad aliquod opificium iustituere , senes , infirmos , ac debiles , etiam otiosos , nutrire . Huius fama publicę beneficentię , nedum ab vniuersa Reipublicę ditione , sed ab finitimis omnibus quocumque vagos , atque inertes inuitat : Vnde fit , vt manipulatim huiusmodi homines , cum coniugibus , ac liberis , in Urbem irruant , nemine prohibente : Idem vias , plateas , Tempia , priuatas domos infestant . Multi capiuntur , & ad pias Ædes egrę ducuntur , placet enim magis licentia , quam disciplina , quando vtroque modo victus paratur . Tanto operi , iam dudum (vt supra innuimus) instituto , nunc amplissima domus , cum proprio templo , in honorem Immaculatę Virginis Conceptionis , extruitur , quę licet non adhuc perfecta , tamen intuentibus maximę admirationi est , & propę

GVBERNATIONE. 55

propè diem fontibus, nemore, ac viridarijs erit introspicientibus iucundissima: Modo feruet opus, quod iam peruenit vltra dimidium.

Eiusdem Officij curæ, ac sollicitudini, reliqua Urbana turba est commendata, ne quis egenus, sed mendicare erubescens, domi, vel miserè viuat, vel pereat. Adeunt ergò id genus homines Octouiros, pauperum Protectores, docentque de sua egestate; qui Protectores qualibet die Dominica ijs distribuunt tantum panis, atque pecuniæ, quantum sufficere possit ad illam familiam sustentandam, habita ratione vniuscuiusque natalium, atque ad sibimet, suisque subueniendum industriæ, vel impotentia. Tanta, & perpetua erogatio vnicè pendet à liberalitate, imò pietate priuatorum, qui vel olim huic rei annuis redditibus prospexerunt, vel, siuè inter viuos, siuè ex causa mortis, modò prospiciunt. Hic idem Magistratus est Iudex ordinarius causarum ciuiliū eorum omnium, quibus subuenit; quæ res loco maximi beneficij habetur; Ita enim inopum lites

& citius , & absque dispendio , & sine strepitu , & figura iudicii , solaque facti veritate inspecta , finiuntur .

Demum iidem Protectores procurant bonâ immobilia , Iura , Açõesque ad tantum opus pertinentes .

Officium hoc pauperum magnum est (haud dubiè) pietatis opus ; sed non vnicum , quippe secundo loco addendum est aliud , quod dicitur .

III. Officium Misericordiæ ; quod constat ex quatuor viris , qui , vnâ cum Archiepiscopo , curant , ne vltimæ piæ voluntates effectu careant , coguntque renitentes ad eas adimplendas ; & distribuunt inter pauperes multa pia relicta , sibi credita , ad præscriptum testatorum : Quod quidem plurimum confert pauperibus sustentandis : quandoquidem , per nobiles , & pias matronas , ætate prouectas , & viduas , vniuscuiusque auxilio indigentis , domum inuisunt , eique nihil necessarium deesse sinunt , multo quotannis ære erogato .

Nec solæ nobiles matronæ , mulieres Misericordiæ appellatæ , funguntur hoc pietatis officio ; sed instituta

stituta est antiquitus societas, valde pia, virorum honestę conditionis, & spectatę virtutis, qui, viri Misericordię, & boni testimonij, grandes elemosynas colligunt, easque inter occultos pauperes distribuunt, urbem scrutantes in lucernis.

IV. Tertio loco succedit Nosocomium, recipiendis cuiuscunque generis, & nationis ægrotis. Opus hoc creditum est duodecim viris (Protectores appellant) qui aliqua simul omnes, sed plura, partita inter se se trienniali cura, quaterni administrant, & causas omnes quouis modo ad se pertinentes, cognoscunt. Domus ampla, & vsque ad delicias ornata, fontibus scilicet, hortisque languentium animis recreandis. Ad mille, & quandoque longę ultra, recipit vtriusque sexus morbis laborantes.

Ex Protectoribus aliquis quotidie omnes visitat, pluresque medicos adhibet, nec cuiuslibet, vel maximo, sumptui parcitur, vt nihil ægrotorum desit nedum necessitati, sed luxui.

Hęc domus ab piorum liberalitate magnos redditus possidet, & copiosas

fas iugiter eleemosynas colligit.

V. Quarto loco ponemus aliam domum, seu aliud Nosocomium Incurabilem, ut aiunt, de qua eadem ferè dicenda, quæ ultimo loco dicta sunt.

VI. Quinto loco Officium Redemptionis captiuorum, qui passim quantouis pretio redimuntur: Intantum abutentibus infidelibus Genuensium caritate, ut sextuplum petant, habeantq; pro Genuensibus, eo, quod exigunt pro alijs omnium ferè nationum captiuis. Huic operi, facile omnium pijsimo, proprius Magistratus institutus est.

VII. Sexto loco Magistratus Montis pietatis, opus notissimum, quod Genuæ omnibus largè subuenit.

VIII. Septimo loco Sancti Iosephi Virginum puellarum domus, quæ omnibus per Urbem infirmis petentibus, gratis medicos, medicamina optima, ac fomenta ministrant; magnum quidem subsidium ijs pauperibus, qui publicam infirmorum domum adire erubescunt, nec domi suæ se se valent curare,

IX. Carceribus mancipati, licet ex delicto, habent Protectores suos, qui, & pro eis agunt apud Iudices, & ijs alendis necessaria suppeditant.

X. Postremò Mortuis curandis, ac sepeliendis, & eorundem animabus ad æternam requiem, Dei benignitate, promouendis, & eorum familijs aliquo subsidio iuuandis, infinitæ propemodum Societates institutæ sunt, quarum omnium impensam sumam pecuniæ efficit vix credibilem.

XI. Tot, tantisque publicis Pij operibus, quæ omnibus, subdenda sunt alia, quæ non omnibus subueniunt, sed multis, nempe

Domus duæ mulierum ab impudicitia ad bonam frugem conuersarum.

Domus quinque Virginum pauperum, quæ docentur suis sibi manibus victum quærere, usque dum nuptum dentur.

Domus pauperum. puerorum. Orphanorum.

Domus alia puerorum, qui per vias dispersi, alioqui sine tecto agunt, omni humano auxilio destituti, qui & suis sibi manibus consulere discunt.

60 DE REIP. GENV.

Domus alia senum indigentium.

Turba autem infantium expositorum ultra mille, quam Nosocomium, seu infirmorum domus alit, quoadusque alicui opificio sint apti.

Demum omnium Sacrorum Ordinum Regulares innumeri, quibus verè nihil deest.

Sacerdotum seculariū magnus numerus, qui de altari viuunt, deque multitudine Capellaniarum (vt vocant) perpetuarum.

Templorum nedum nitor, sed sacra omnis generis, argenteaque suppellex, nulli magnarum Urbium celsura.

XII. Tandem, quando Templam ingressi sumus, de statu etiam, atque Gubernatione Ecclesiastica pauca enarremus.

Genuensis Archiepiscopus iam inde à multis sæculis multorum est Episcoporum Metropolitica. Vna cum Officio Misericordiæ, vtsupra dictum est, magnam pecuniæ summam inter pauperes quotannis distribuit. Eius verò redditus, olim vberes, modò, præ rerum humanarum vicissitudine, ij sunt, qui

qui mensam frugalem potius exhibeant, exigantque, quàm lautam: & tamen qui illum totis triginta annis tenuit Stephanus Cardinalis Dura-
tius, de proprio lauto patrimonio Sanctam Genuensẽ Ecclesiam super
duas petras firmissimas stabilivit, Se-
minario scilicet Clericorum, & Mis-
sionariorum Sacerdotũ Collegio ma-
gnificè ædificatis, adeoque sibi met
beata mansione in domo Domini præ-
parata. In Clericorum conuictu, ad
construendam Ecclesiasticam molem,
disciplinæ, ac scientiæ salubri scalpro,
iuvenes, sacris initiati, vel initiandi,
poliuntur. In Sacerdotum verò Col-
legio degunt viri, vitæ sanctimonia,
atque infatigabili opera salutem ani-
marum procurantes.

XIII. Reliqui per Genuensẽ Do-
minium Episcopatus varij redditus
sunt: In Liguria Sarzanensis, Albiga-
nensis, Sauonensis, ac Vintimillien-
sis, saltem modici, Brugnaten-
sis, ac Nau-
len-
sis, tenues. In Corsica Alerien-
sis, Aiacen-
sis, ac Marianen-
sis copiosi nĩ
pensionibus exhaurirentur. Nebien-
sis, & Saguntinus inopes; sed, quod
deest

deest redditus, frugalitate suppletur, quæ in Urbibus sordida, extra illas utcumque tolleratur.

Corficæ vero Episcoporum laboribus subleuandis, & Christifidelibus in vastis Diœcesibus instruendis egregius nostri seculi vir, ac Senator Ioannes Hieronymus de Bene, suo priuato ære, fundauit in Genua Vrbe sub Senatus auctoritate Collegium Clericorum, qui Societatis Iesu disciplina, probitate, & doctrina armati, & Sacerdotes ordinati, Apostolicum opus exequuntur: Exemplo Summorum Pontificum, qui Romæ Collegia huiusmodi Græcis, Anglis, Hibernis, ac Maronitis instituerunt. Sed quis opera illa huic, de quo loquimur, composuerit? Romanis Pontificibus dictum est, Pasce oues mæas: Eorum est potentia, eorum est Regnum, ut tanto muneri pares esse possint. Ecclesiæ thesauri in id ipsum collati sunt. Græci, Angli, Hiberni, ac Maronitæ, nisi Roma subueniatur, panem petunt, & non est qui frangat eis. At Corsis non deerant nec Præsules, nec Curiones, nec Sacerdotes, nec cuiuscumq;

GVBERNATIONE. 63

cumq; ordinis Regulares: Sed Ioannis Hieronymi (verè iusti, atque Italicæ verè *Dabbene*) priuatæ Heroicæ pietati, ac liberalitati, non satisfacit mensura bona: exagitatam exigit, ac superfluentem, ideòque vltro, de suo, Coris, non panem, quo affluebant, sed volatilia pennata ministranda, suscepit. Meritò.

Dicite Iusto, quoniam bene.

De Gubernatione Reipublicæ satis.
Sequitur tractatus de Potentia.





CAPVT TERTIVM;

S E C T I O I.

D E P O T E N T I A
ab effectibus.

I.



NNO 1625. præter expectationem, maximi in-Reipublicâ belli pondus incubuit. Illa raptim mercede, conduxit peditum

decem millia, & aliquot Equites, pro locorum ingenio sufficientes. Ad hoc quatuor millia Ciuium armauit, & alia quatuor millia ex delectu vtriusque Oræ maritimæ, qui delectus haud minorem sexaginta armatorum millium summam conficit. Pars copiarum ad angustias Apennini, vigesimo ab vrbe milliario, confedit; pars alia tutandæ occidentali prouinciæ missa.

Illa

Illa ad Vultabium, in montium faucibus, ac modica planicie, cum hostibus manus conseruit, & prælio victa bello vicit. Nam hostis, ex cruenta admodum victoria, Genuensium animos, viresque percipiens; ad urbem procedendum non esse decreuit: Et Feriæ Duce, Mediolanensi Gubernatore, cum valido exercitu appropinquante, aliquot oppida, pagosque cepisse, contentus, receptui cecinit, & occidentalem Prouinciam petijt, eoque tractu, qui ab Albingana Vintimilium vsque pertingit, potitus est. Interim Respublica, mari potior, Vneliæ, & Mârri oppida cum foecundis admodum Vallibus, hostilemque prætoriam triremem interceptit, mox Gauium, octingentis peditibus firmatum, ac reliqua mediterranea oppida, suarum tantum copiarum parte adhibita, recuperavit. Exindè, Hispanis auxilijs accedentibus, ab vniuersa Occidentali ora, ditioneque, hostes exegit, & plura oppida hostilia occupauit.

II. Hæc præstitisse vtique magnæ potentiae fuit. Bello vixdum finito,
 trien-

triennij spatium, quam diximus Pilam construxit, Regis opus, ut ait ille, idque cautioni potius, quam necessitati: alia enim similis Pila ante plura secula nauigiorum securitati prospectum erat.

Sæpè his proximis annis duodecim triremes instructissimas habuit, & aliquando, additis multis, ijsque validis grandioribus bellicis nauibus, classem haud contemnendam adornauit, quæ magnum mediterranei tractum nauigauit, idque citrà belli necessitatem, imò pestilentia imminente; adeoque si forè bellum ingrueret, non est dubitandum Liguriâ vniuersam maximis classibus suffecturam, quando vnum oppidum Arenzanum, vsque ad hanc ferè diem nullius nominis, modò quinquaginta onerarijs nauibus grandioribus ad maria omnia, vsquequaque transcurrit, ut supra dictum est suo loco.

III. Sed magnum potentiae, maximum sapientiae documentum fuit nouorum Mœnium constructio triennalis, eoque triennio, quo bellum magis desierat, quam pax coeperat, &
altera

altera manu arma, altera cœmenta,
& lapides tractabantur, & ab insidijs
conspirationum cauendum, & per-
duelles capite plectendi fuerunt.

Quo facto Genuenses maximam
constantiæ, atque in Patriam pietatis
laudem meruerunt: quandoquidem,
hoste pluribus primariæ Nobilitatis
per bellum captis, præsentem mor-
tem intentante, si in perduelles ani-
maduerteretur, ad Concilium relata
re, ad vnum omnes, etiamque ij, quo-
rum fratres vita periclitabantur, re-
belles capite plectendos esse censue-
runt. Quo animi robore, & punita
rebellio, & optimi Ciues seruati, hoste
ab incæpto vtrò desistente.

IV. Documentum diximus magnū
non potentiæ solum, sed sapientiæ.
Siquidem, tanta munitione ad loci
ingenium adiecta, factum est, Ge-
nuam amicorum auxilio diu posse,
amicos verò Genue opportunitati-
bus carere vix posse: Et super omnem
utilitatem est, urgente bello, defen-
sione non paratam in incenibus, mani-
busque habere: Vtquæ potentiorum
auxilia in magno pretio habenda, ita

D

ab

ab ijs non pendere tutum est, atque magnificum.

Cæterum cum Genuensis Respublica Coelorum Reginae dediderit se se, impletum est omne consilium, & quoduis periculum abactum, si illa pro sua pietate, respiciat in faciem Christi sui, atque in opportunitatibus existat adiutrix.

Sed, & Speculator adstat desuper in colle, sito in media Vrbe, in Templo Diui Bartholomei, Imago scilicet Christi Domini, non manufacta, sed in Sudario, admoto Diuino vultui manu ipsius Saluatoris impressa, atque eiusdem iussu ad Agbarum Edesse Regem, perlata; quæ olim Genuensium quæsitæ victorijs, Genuæ multa bona & præstitit, & promittit: de qua videntur sunt, quæ tradit Baron. anno 31. num. 22. & 23., & Augustinus Calcaninus in libro Genue anno 1639. typis dato, de Imagine Edessena.



POTENTIA. 69

SECTIO II.

DE POTENTIA A CAUSIS.

I.



CAUSAS autem Genuensium Potentiæ recensere non abs re fuerit. Cuiuscunque Nationis potentia pendet præcipuè ab hominû multitudinem: Hæc verò in vnam regionem conuenit, vel ab agri vbertate, vel ab loci positu, & opportunitate, cum cœli salubritate coniuncta. Agri vbertate caret omninò Liguria ferè omnis, ac frumento importato indiget non paucò. Verum ob idipsum a finitimis regionibus, ab maritima Etruriæ, ab Sicilia, ab Apulia, ab Africa, à Gallia, ab vsque Gedano, alijsque ad mare Balticum emporijs confluunt Genuam ad satietatem frumenta: itaut illa sæpè alijs vrbibus sit pro horreo, cum nedum Liguriam, sed alias Italiæ Prouincias, quandoq; sterilitate insolita laborantes, alit, nutrietque. Ergo Cœli salubritas,

D 2

posi-

70 DE REIP. GENV.

positusque opportunitas, Genuæ pro-
 vbertate est: Et si accipit a finitimis
 frumenta, iisdem non rarò suas copias
 abundè refundit: Hinc est, quod, em-
 porij beneficio, multos alit mercato-
 res, aliundè accipiente fruge, atque
 omnis generis merce, easque vel ven-
 dentes, vel aliò transmittentes, ac dum
 ibi manent, curantes, quæ omnia vn-
 dique habitatores accerunt, quorum
 gliscente multitudine, gliscunt, & ve-
 ctigalia, atque impletur ærarium: Et
 usu compertum est, maiores Vrbes suas
 incrementa debere magis positus op-
 portunitati, quam glebæ. Imò ipsa na-
 tura deficiens, cogente necessitate, in-
 dustriam excitat, acuitque, & quod in-
 tra naturæ confinia vix poterat esse
 modicum, si natura negat, facit indu-
 stria in maximum. Exempla suppeterent
 vbiq; terrarum hæc fusius prosequen-
 tibus.

II. Eadem positus opportunitas
 alius generis potentiam gignit, quan-
 docunque contingit armâ tractare, vel
 saltem eorum inter finitimos fragorem
 exaudire. Suppetiæ enim facillimè in
 amplissimi portus sinum ab mari aper-

P O T E N T I A. 71

to accipiuntur, & contra ab hostibus difficultè intercipiuntur. Si verò bellum geratur inter finitimos, contingit à Republica multa flagitari per bellum gerentes: per Rempublicam autem cōcedi, negari, permitti, impediri, quæ victoriam, vel dent, vel adimant. Est autem maxima pars potentiæ iuuare posse, atque nocere.

Rursus maximè confert ad potentiā, potentiorum iniurijs non patere.

III. De Urbis Genue securitate actum est satis, & aliquid etiam dictum de Sauona, de Gauio, de Arce Sanctę Marię, de Bonifacio, & de Caluio; quæ omnes munitiones expugnatu difficillimę habentur, nec carent propugnatoribus: Nam Liguria, & Corsica centum fermè millia hominum armis apta habent. Ligures verò (vt ait ille) malo assueti, ac ob idiplum multò magis Corsi, locorum difficultatibus adiuti, & munitionibus tecti, sese, suaque tutari valent. Certè bello anni 1625. nulla harum, quas modò retulimus, munitionum, in potestatem hostium peruenit, excepta Gaiij arce, quæ tunc erat antiqui operis, & post

bellum ad perfectæ militaris architecturę præscriptum munita est.

IV. Aliqua etiam potentię pars est nautarum, gubernatorum, aliorumq; nantium, & triremium ductorum, ac fabrorum, nedum copiam habere, sed posse de jisdem alijs inopiam facere, eos ad Patrię defensionem vocando. Siluas cæduas classibus parandis habet in Corsica, & nonnullas etiam in continenti. Ærarij verò difficultates (communem Principibus omnibus querelam) Respublica Genuensis superare potest, ut quisquam alius, quod vel ex ipsorum eius actorum inspectione, satis apparet. Quippè, sex annorum (ut diximus) spatio Mœnia, Pilam, mirabiliter extruxit; Sauonam, Gaviū muniuit egregiè; & hæc omnia vix grauiſſimo anni 1625. bello perfuncta. Quæ verò potuit se munire in posterum; munita iam, minori dispendio semper se tuebitur in re præſenti, & ei dispendio promptum habebit ærarium: Diuina enim prouidentia, quæ illi ministravit (liceat ita loqui) semen ad suam futuram securitatem in terra, atque in mari seminan-

standam; & fructus ad eandem sustentandam præstabit. De providentia loquimur, non de omnipotentia, cuius etiam opera speranda essent, quando tot thesauros in agro feracissimo, hoc est in sinu pauperum, Genuensis Respublica indefinenter abscondit.

V. De providentia Dei benignissima loquimur, cuius instinctu duo firmissima huic rei (ærarario scilicet) fundamenta iacta sunt: alterum est inconcussa fides: alterum verò pars non exigua earum portionum in ijs vectigalibus, quæ, ut diximus, olim pecunias suas Reipublicæ credentibus insolutum data sunt; quæ portiones (loci Sancti Georgij dictæ) vel ab ipsa Republica sepositæ, vel a priuatorum multorum studio in Rempublicam collatæ sunt, ad ipsa vectigalia redimenda; ac interim ex eorum annuo fructu, quem nemo capit, alia eiusdem generis loca, seu portiones emuntur, quæ, si appareat aliqua necessitas, paratos habent emptores, vel ad multorum veterum testatorum voluntates implendas, vel ad suas pecunias exili etiam fœnore ei debitori creden-

das, cuius fides numquam defecit: Adeoque hinc fit, vt exiguo redditu confectim parari possit magna fors, in publicas necessitates eroganda; Vtque ex hoc vno fonte, ab quacumque iniustitiæ fæce, limoque purissimo (nempe aqua sponte sua, sicut pluvia in vellus, sine vilo querelarum fragore descendente) ad nutum modò hauriri possint aureorum ad tricies centena millia, quod vel Regibus non sine labore contingit: & hoc peculiū in dies crescit, ac multiplicatur.





CAPVT QVARTVM.

DE GENVENSIS REIPVBLICÆ
DIGNITATE.

SECTIO PRIMA

DE ORIGINE REIPVBLICÆ
Genuensis.

LTIMO loco de
Genuensis Rei
publicę digni-
tate dicendū:
quæ quidem,
vt ex Domi-
nio, Guberna-
tione, & Po-

tentia quasi elementis conflatur; ita
ex multis quasi perfectis multis auge-
tur.

Primum omnium Origo, Vetustas;
Mox res gestæ, virtus civilis, & bel-
lica, magnificentia, honos Reipu-
blicæ

blicæ habitus à magnis Regibus , pri-
natorum diuitiæ , coniugia , potentia
apud exteros, & si qua alia .

Originem Urbis Genuæ triplicem
intuemur .

Primam scimus , ac nescimus . Ne-
scimus ; quia illi antiquitatis est obdu-
cta caligo , ac multa de Iano fundato-
re , alijsque uetustoribus , ab alijs tra-
dita , missa facimus , neque asserentes ,
neque confutantes . Scimus etiam ;
Nam , tradente Liuiο in principio li-
bri trigesimi , Spurio Lucretio Præto-
ri prorogatum imperium , ut Genuam ,
oppidum maritimum à Magone diru-
tum , ædificaret ; certum est , Ro-
manos , atque adeò quoscumque ante
illos Italiæ dominos , absque damno
Genua carere non potuisse . Quippe ,
dum Annibal Romæ ceruicibus im-
minebat , inter tot curas , tantaque
dispendia , dum Punicis pluribus exer-
citibus plures exercitus opponendi e-
rant , Romani Dux exercitus alieno
utique tempore mutabatur in Archi-
tectum , nisi tanti fuisset Genuā statim
intra annū in integrū restituere . Si er-
go Genua adeo necessaria erat , oportuit

tut & multo ante ædificari, semperq;
ab omnibus in Italia, atque in proxi-
mis regionibus dominantibus, magni-
fieri: Cui rei etiam fidem adstruit mul-
tarum consensus ætatum, quæ Genuā
Ianuam dixerunt; per illam enim pe-
tentibus Italian, Italiaque excedenti-
bus, quasi via militari, ingressio, &
egressio est commodior, atque com-
munior. Testante ergo Livio de præ-
clara, ac Romanæ rei necessaria se-
cunda Origine, prima etiam neces-
saria, vetus, ac nobilis eius Origine
ratione urgente convincitur: prima qui-
dem ante quorumcumque certorum
annalium memoriam: altera secundo
bello Punico, adeoque ultra seculū
duo de viginti circiter.

II. Quanta verò illa tunc fuerit,
etiam aliundè suaderi potest. Scribit
idem Livius libro 28. in fine, Mago-
nem, iuventute lecta in classem impo-
sita, in Italiam triginta rostratis na-
vibus, & multis onerarijs, duodecim
millia peditum, duō fermè equitum
traiecisse, Genuamque, nullis præfi-
dijs maritimam oram tutantibus, re-
pentino aduentu cepisse: quæ verba

implicant triplicem excusationem Urbis captæ, nempe valido hoste, ex inopinato, & Senatu in vnum Annibalem conuerso, non sine tacita querela de incuria, vel de impotentia oræ maritimæ tutandæ. Rursus à Magonne, Annibalis fratre, dirutam, sonat quid haud exile; non enim tanti fuisset, in oppidum qualecumque seuire, facili Romanorum damno. Ab hac secunda Origine quæ fuerint Urbis Genuæ partes vsque ad tertiam, quæ contigit seculo humanæ salutis decimo, libet paucis inquirere.

III. Certum est ex eodem Liuiο, Ligures Romanæ Reipublicæ, in summa eiusdem fortuna (domita nempe Cartagine, Africa, Græcia, Asia) triginta circiter annis negotium facessisse, Pisas quadraginta armatorum millibus oppugnasse, a Minucio Consule vix seruatas; ferè semper cum ambobus Consulibus bellum gessisse, cum maximi nominis Ducibus signa contulisse, eos in castris obsedis, & tantum non furcarum Caudinarum (vt loquitur Liuius libro 35. anno 558. ab vrbe condita) exempla renouasse;

uasse: Deinde populum Romanum, Orbis iam tum domitorem, sæpè in ea pericula adduxisse, ut Romæ trepidatum sit, supplicationesque decretæ, & quamplures ædes Romanorum numinibus dedicatæ ex votis pro publica salute susceptis. Neque hæc semper omne Ligurum nomen præstitisse; sed aliquando partem tantum aliquam, neque magnam, aliquando solos Ligures Ingaunos, aliquando alios, sed plerumque Apenninum incolentes, locorum angustia fauente. Hæc Liuius ab anno 545. ad annum 574. circiter ab Vrbe condita.

Inter hæc nusquam apparet Genua, quam ab Romanis constantissimè aduersus Pœnos stantem legimus, aduersus verò Romanos, cum suæ gentis populis arma sociantem, non legimus. Meritò quidem; nam pro exædificatione gratia referenda erat.

IV. In alto cæteroqui rerum Genuensium silentio, aliud agentes, incidimus in historiam Pistoriensem, Romæ anno 1656. typis excusam, auctore Michaele Angelo Salui: qui tradit anno 569. ab Roma condita, idest paulo

paulo post secundum bellum Punicū,
 annis vero 186. ante Christi Domini
 nostri aduentum, quosdam Ligures
 inter suos primarios, varijs casibus ia-
 ctatos, & plerisque exules, ad urbem
 Pistorium confugisse, ibique, certis
 conditionibus receptos, sedes fixisse,
 opesque comparasse: Exin magnam
 pecuniæ vim Genuam, Ligurum ca-
 put, misisse ad exilium redimendum.
 Mox, Pistorium reuersos, numero,
 & opibus auctos, eueisse, vt Pisto-
 rienses sibi onus imponerent soluendi
 quotannis Vrbi Genuæ auri libras
 centum. Hoc vno, alteroue anno im-
 pleuerunt. Sed postea, facti pœniten-
 tes, nedum tributum pendere renue-
 runt; sed tantum non Genuenses inco-
 las omnes, fortasse graues nimis, ac
 superbius agentes experti) Vrbe exce-
 dere coegerunt. Genuenses, re co-
 gnita, per legatum frustra officij ad-
 monitos Pistorienses, mox armis do-
 muerunt. Sed, Genuensium exercitu
 vix ab capta vrbe digresso, Pistorien-
 ses; Fesulanis adnitentibus, Genuen-
 ses incolas omnino exegerunt, iugum-
 que excusserunt. Hoc vnum, vitro;
 casu-

casuque oblatum, retulimus, aliorum incuriosi: nec enim iuuat vetera quæque nationum facta diligentius perscrutari.

V. Cæterum Genuæ quies vsque ad Cæsares, & sub Cæsaribus, atque sub Italiæ Regibus Odoacre Erulo, Theodorico, & successoribus Ostrogotis, ac rursus sub Græcis Imperatoribus, & Exarchis.

Tandem, ingruentibus Longobardis Genua Italicæ nobilitati tutum diu præbuit asylum, atque confugium; præcipuè Mediolanensibus, eorumque Archiepiscopis, qui totis septuaginta annis Genuæ subsisterunt; atque hinc maximum Genuensis res incrementum accepit; quod dudum antea ortum habuerat, quando Attila, Hunnorum Rex, Aquileiam, Mediolanum, Ticinum, aliasque Italiæ Vrbes expugnauit, & diruit, multis Italis Apenninum, ac mare pro muro, ac fossa inundationi tantarum copiarum opponere satagentibus. Sed Longobardi tandem, vniuersa Italia subacta, ibique Romani Imperij nomine ferè, delicto, sub Rege Rotari, suæ nationis

nis septimo, anno salutis 670. Genuam etiam expugnauerunt, & diripuerunt.

VI. Adeo in duobus populis, æmulis olim futuris, variante fortuna, Genuensibus scilicet, de quibus modo scribimus, Venetisque, vt ambobus eadem fuerit causa, vel originis, vel incrementi: sed Genuensibus ad cladem, Venetis ad victoriam. Siquidem barbarorum in Romanum Imperium irruptio, maximèque in Italiam, duorum, vel trium seculorum spatio, iuncos, arundinesque piscatorias Venetæ paludis firmavit in iacula: Hinc humiles piscatorum casæ, nobiliore habitatore ab circumiecto continente allecto, in tantum extulerunt sese, vt Veneti, sua virtute armati, aquarumque reciprocanium (nouî generis munitione) tecti, maximis Regibus obniti, eosque ab vrbe sua arcere potuerint: Genuenses verò, à quibus, vt potè reliquis Italiæ populis validioribus, barbaræ nationes diù abstinerant, quique, & extraneos in tutelam accipere non renuerant; tandem suæ hospitalitatis præmium direptionem, & Reipublicæ euer-

euerfionem sunt confecuti. Durum
 utique bellum fuit. Pipino Regi ag-
 gredienti Urbem, nedum vndis cir-
 cumfufam, fed, æftu naues hostium
 prius in breuia deferente, mox defi-
 xas in limo deſtituente, ſecuram. Quan-
 tum enim intereſt pugnare cum viris,
 vel cum elementis! Sed nec prouum
 erit poſthac, Genuam fortè oppugnā-
 tibus, ſulfureo puluere ſaxeos mon-
 tes ſubuertere, atque inter cautes ſibi
 de annona proſpicere; adeoque humi-
 li aggere cacumina Apennini montis
 impetere: eritque æquè ſecurum ere-
 ctos ad ſidera tollere vultus, ac inter
 vndas, paludeſuè, nec tamen minus
 prouidenter, ac fortiter deliteſcere.
 Naturæ enim, imò Dei donis oppor-
 tunè vti, & fortitudinis, & ſapientiæ
 eſt. Ergo vt mirabiles elationes mar-
 ris, ita, & mirabilis in altis Dominus.
 Cæterum quid ni aliquando patrię
 meæ: de quibuſcunque, qui fortaiſſe
 contingerent, hoſtibus ſint ſperandæ
 victoriæ; quando proximis his diebus
 in eius ſinum, quaſi de ſummo Cœlo
 dextera inuieti Eccleſiæ militantis, ac
 triumphantis propugnatoris, ac pro-
 prij

prij. Genuensis) Reipublicæ patroni Martyris Georgij delapsa est, quæ Genuensia purpureæ Crucis radiantis signa vltro in hostes inferat, ac triumphet?

VII. Anno verò 795. Carolus Magnus Francorum Rex, Desiderio Longobardorum Regē deuictō, atque iam Romanus Imperator assumptus, Genuæ præfecturam concessit Comiti Ademaro, propinquo suo, qui, valida Genuensium classe, Saracenos Corsicā expulit, & exinde ea Insula quæ sita Genuensibus fuit, nec vnquam, nisi partim, vel ad breue tempus amissa.

VIII. Iam verò ad tertiam originē multò nobilissimam festinat oratio.

Anno 936. erupit Genuæ fons sanguineus, immane maxime calamitatis, excidijque prælagium. Absente enim ab Urbe potentia classe, Saraceni, acceptas clades vitum erunt, repetito veteri Magonis exemplo, commodam, tutamque occasionem nacti, repentinò aduentu, Urbem, propugnatoribus vacuum, inuadunt, intrant, diripiunt, incendunt, multos mortales imbelles igni, ferroque tradunt, multos,

DIGNITATE. 85

omnemque direptæ Urbis prædam ad naues abducunt. Vix lætis vela dantibus Saracenis, Genuensium classis aduenit, patrię tantum cadauer inuenit, hominum cadaueribus flammis absumptis. Tanto constitit sanguine prodigij sanguinei fides! Exanimati licet Genuenses miseranda specie, tamen, ruptis importuni luctus moris, cursum in Africam dirigentes, volatu potius, quam remigio, hostes apud Corsicam, Sardiniamue assequuntur, aggrediuntur, iisque ad internecionem deletis, receptam prædam, non patriæ, in cinerem, pulueremque redactę, sed pre-ruptis scopulis, arenis, ac fumiganti adhuc patrio solo rescituunt. Ex cineribus, ossibusque semiustis innoxie multitudinis, in odium fidei, Christianęque religionis incense; nulla humana ope, sed vno Spiritu Diuino flante, denuo extitit Ciuitas Genua; noua, descendens, quasi de Cœlo, a Deo igne probata, atque purgata, adeoque sine macula, sine ruga, nulli humanę potestati subdita, vel obnoxia.

S E C T I O I I.

*De Genuensis Reipublicæ Victorijs ad-
uersus Saracenos.*

I.



ERTIAM, & postre-
mam hanc originem,
vt potè Diuinam, &
quæ duas priores suo
fulgore perstringit,
exceperunt innumeri

cuentus, omninò maiores humanis.

Qui enim fieri potuit, vt Vrbs nuper
excisa, vix vnus seculi spatio resum-
pto spiritu, occasione Sacri belli in tot
classes eruperit, & tot, tantasque vi-
ctorias de communi Christianorum,
sed peculiari suo hoste (primum redi-
uiuæ Reipublicæ facinus) reporta-
uerit? Graues Genuensium dexteras
in multis Sacri belli expeditionibus
fensere Syria omnis, ac Palestina; eas-
que propugnantes Turcarum, Persa-
rumq; phalanges: Præcipuè apud
Hierosolymam, Antiochiam, Gibel-
lum, Tortosam, Cæsaream, in cuius
Vrbis expugnatione obtigit eis cati-

nus

nūs smaragdinus, quò lapide nullus toto orbe pulcrior, nullus splendidior, excepto eo, Genuesibus longè pretiosiori, in quo apud Christi Domini nostri sepulcrum insculptum fuit elogium illud.

Præpotens Genuensium Præsidium, quod mox, ingratiſſimè eſaſum, Alexandri III. Pontificis Maximi opera iuſſuque repositum fuit: qui Pontifex Genuenses, de ſeſe, & de Ecclesia Dei optimè meritos, omnium nobiliſſimo titulo.

Strenuos Ecclesia Defensores ſuis Apoſtolicis literis appellauit.

II. Exinde in Occidente ſub Maurorum ſeruitio gementem Almeriam libertati, Hiſpaniæque, vna cum alia Tortoſa, reſtituerunt. Mox, in Africam verſis armis, Tripolim expugnarunt; inde, percurrentes Mediterraneum, Sardiniam, Baleares, aliasque minorum gentium inſulas Saracenis eripuerunt, Maioricę Rege capto; Et demùm Saraceni, gēs inimica Deo, tota ferè ora maritima mediterranei maris faceſſere coacta, & Africa inclufa litoribus, Genuæ in magnam
po:

potentiam euectæ, eiusdem, per maximam crudelitatem incensæ; pœnas dedit

SECTION III.

De Genuensis Reipublicæ Incrementis.

I.



OT, tantæque publico bono partē victoriæ magnū Reipublicæ Genuensi nomen pepererūt, atq; priuatorum opes auxerunt. Bellū

enim se ipsum alit, ditatque victores. Hinc prompta occasio nationi, agri penuria laboranti, per maria exercendi commercia, quibus fit, vt quod vsquam genitum est publico commodo apud omnes natum esse videatur. Hæc communis vtilitas omniū Populorum, ac Principum, Regumque ad mare habitantium, Genuensibus amicitiam conciliauit: & ideo vbique honorificè excepti sunt, eisque in maximis Urbibus propriæ Regionēs, sedesque, ac Iuris.

DIGNITATE. 89

Iurisdictiones, imò, & amplæ ditiones attributæ, quibus eorum potentia immensum prouecta est. Hinc factum est, vt in Græcia, in Thracia, in Asia, colonias collocarint; Mox, traiecto bosphoro Thracio, aditoque Trapezuntino Imperio Samastrû in Bitinia obtinuerint; Inde flexo, in Septemtrionem cursu, Bosphorum Cymmerium penetrarint, & Palude Mcotide transmissa, Tanais fauces, Tanamque Urbem tenuerint, in qua ad nostram ætatem durant adhuc nobiles Genuensium familiæ, cum iisdem, quibus Genuæ fulgent, insignibus; In Tartarorum Imperio, ac Taurica Chersoneso, possederint Cembalum, quam aliquando rebellantem per Carolum Lomellinum, validæ classis Ducem strenuum receperunt. In eadem magna peninsula possederint etiam Soldaiam, Gothiæ regionem, Theodosiam (hodie Cassam) Urbem multò nobi lissimam, quam anno 1357. Gottifredus Zoalius Consul Genuensis, & Gubernator, magna ex parte cinxit mœnibus, adeoque munivit, vt Tartarorum Imperator illam aggressus, cœptam oppugnâ-

gnationem maxima accepta clade dimittere adactus fuerit. Quam verò in vastis illis Regionibus, & hodie, certè usque ad patrum nostrorum memoriã daret inclyta Genuentium fama, colligi potest ex ijs, quæ scribit Antonius de Herera, Philippi II. Hispaniarum Regis historicus, qui lib. XVI. cap. 8. primæ partis suæ generalis historiæ, de Moscouia agens, deque Magno eiusdem Duce, Russiæ Imperatore, tradit quomodo succedatur in Imperio, & præcipuè de consecratione Imperatoris, quæ fit hoc modo. Inter missarum solemnias a duobus Archiepiscopis successor accipit Mitram, in numeris lapidibus pretiosis, ac margaritis ornatam, quæ fuit Volodomeri, olim Russiæ Imperatoris, vna cum baculo argenteo, atque aureo monili, ab eodem Volodomero bello quæsitis, dum præliaretur cum Consule Genuensī, qui Teodosiam Urbem regebat. Tanti æstimant Russiæ, Moscouiæque nationes, aliquando Imperatorem suum aliquod victoriæ insigne de Consule vnius Ciuitatis, Genuensibus subditæ, reportasse, vt baculum illum,

DIGNITATE. 91

ac monile, quasi pro sceptro, atque corona, in insigni, & solemnī die suę consecrationis, nouus Imperator accipiat. Quid plura? Genuensis priuatus ciuis Megolus Lercarius, ultor illatę sibi à quodam continuo Trapezūtini Imperatoris iniurię, adeò illi insultauit Imperio, vt, ipso Imperatore inimicum tradere coaecto, benigna ultione contentus, vtriusque simul procacia colla magnanimo pede calcauerit. Quę, aliaque mox dicenda, admirationi non erunt, si memoria repetur eorum, quę à Liguria passa est (vt diximus) in omni gloria sua Romana Respublica.

II. Modò redeamus in Thraciam. Michael Paleologus, Genuensium opibus, & ingenti classe, Gręco potitus Imperio, iisdem Galatam, scū Peram, mille tantum passibus à Constantinopoli distitam, Smyrnā, Chium, aliaque ditiones donauit, quas, atque Lesbū, Lemnumque, & Achaiā Prouinciā diū possederunt.

III. Anno 1372. Cyprum ceperunt: Exinde, pace constituta, Regi Regnum restituerunt, annuo tributo im-


E posito,

posito, atque Vrbe Pamaugusta retenta, quam totis nonaginta annis tenuerunt, adeoque habuerunt & ipsi instrumenta seruitutis, & Reges, Cypri scilicet, de quo nunc sermo, & Sardi- nię, ex conuentione perpetua inita cū Rege Barisone anno 1164. cui nunquam defuit nec ipse, nec successores, vsque ad annum 1354. quo Aragonij illud Regnum inuaserunt.

IV. Sed dudum antea Emmanuel Comnenus, Gręcorū pariter Imperator, anno 1155. recepit, se quotannis soluturum Genuensi Reipublicę, quingentos perperos (nummi nomen) cum duobus deauratis altarium integumentis; & Archiepiscopo Genuensi perperos sexaginta, & simile integumentum vnum, quorum pars aliqua adhuc extat. Postea anno 1261. Imperator Michael Paleologus eadem recepit, & prestitit.

S E C T I O IV.

De bellis cum Pisanis .

I.  ENVENSIVM progressus, quos attigimus, magni haud dubiè fuerunt: sed maiores fuissent; ni obstitisset finitimus hostis acerrimus Pisana Respublica, & ipsa mari adeo potens, vt Carthaginem expugnauerit, eiusdem Regem Mahometanum Romam duxerit in triumphum, mox, Christi fidem amplexum, Regno restituerit. Vt ergo Romanis quondam, & Carthaginiensibus belli Punici secundi, ac maximi omnium, quæ vnquam gesta sint, causæ fuerunt Sicilia, atque Sardinia; ita Genuensibus, ac Pisanis, Sardinia, & Corsica.

II. Primò congressi sunt duo prepotentes populi ad annum 1070. sed haud magno nisu: Iterum ad annum 1118. quo bello Genuenses mare quâdoque operuerunt centum quinquaginta nauigijs, plerisque triremibus,

còque hostes adduxerant, vt singulas priuatorum domos ad primam contignationem, seu concamerationem redigere, ac deprimere coacti sint. Vltimo verò bello ad annum 1284. omnino debellatum est, atque exinde miseri Pisani nunquam emergere potuerunt; adeoque anno 1504. à Genuensibus petierunt, vt eos in fidem, dittonemque reciperent, quod Genuenses renuerunt, malo publico, aliquorum ciuium suorum malignitate, fortasse etiam perfidia.

III. Hoc postremo duorum annorum bello sepe pugnatum est, & Genuenses quinque triremium, aliorumque nauigiorum classes adornauerunt, quæ conficiunt summam triremium centum octoginta octo, & postrema pugna in Portum Pisanum irruperunt, rupta insignis magnitudinis catena ferrea, quæ extat, trucidatis hostium quinque millibus, nouem millibus captis, inter quos ipso Prætorè, atque Nobilitate vniuersa; & aliquando ab hora tertia vsque ad vespèras instructæ, armatæque sunt Genuæ, præter octo maiora nauigia, duo de sexaginta triremes,

vt

vt tradit Episcopus Nebiensis scriptor probatæ fidei.

IV. Si liceat parua componere magnis, P. Scipio, mox Africanus maior, classe traiekturus in Africam, cum triginta nauium carinæ (vt ait Liuius libro 28. circa finem) viginti quinque-remes, decem quadriremes essent positæ; ita institit operi, vt die quadragésimo quinto, quam ex siluis detracta materia erat, naues instructæ, armatæque in aquam deductæ sint. Breue omnino quadraginta quinque dierum parandæ, atque in aquam deducendæ magnæ classis spatium. Sed quid arduum fuerit, Scipione instante, Romanæ Reipublicæ? Atqui, ab hora tertia vsque ad vespervas, interuallum verè nullum, quodque vix classis expediendæ edicto promulgando sit satis; vnde omnino conficitur, illo æuo Genuam suos Scipiones habuisse, omniaque parata, maximè verò promptos animos quibuscunque conatibus; atque illorum armis nullam adhæsisse rubiginem.


V. Victricium harum classium Duces silentio prætereundi non sunt, de-

bellato tandem tanto hoste. Fuerunt
 ergo Thomas Spinola, Dux triremiū
 triginta quatuor, Conradus Doria tri-
 remium quinquaginta quatuor, Ober-
 tus Doria triremium septuaginta, qui
 erat alter ex Reipublicæ Capitaneis,
 vt vocabant, Henricus de Mari tri-
 remium viginti duarum, & Be-
 nedictus Zacharia triremium
 triginta. Qui verò in por-
 tum irrupit, & confecit
 opus; fuit Obertus
 Doria Capitaneus,
 iuncto sibi Za-
 charia.



S E C T I O V.

DE REBUS GESTIS PRO FRIDERICO Primo, alijsque Suevica domus Imperatoribus.

I. XPEDITIS bellis Pisanis, tradenda sunt ea, quæ Genuenses gessere pro Friderico Primo Romano Imperatore, qui Italiam maximis copijs armatus intrauit, iura Romano Germanici Imperij iam absoleta restitutus. Fridericus ergo Insubriam, & proximas Regiones in potestatem redegit, & Mediolanum excidit, ac solo æquavit. Genuenses sibi met dupliciter consuluerunt: Primum Urbis duodecasinginta dierum spatio firmissima (vt eo sæculo) moestia circumdederunt, quod incredibile de opere completo, est verosimile de perducto ad eam altitudinem, quæ propugnatores tegere, securosque reddere posset in pugna: Simul Legatos ad Imperatorem, Ticini agentem, miserunt, per quos non

modo concordia firmata est, sed etiā conuentum, Genuenses suis classibus daturus operam, vt Fridericus potiretur Neapoli, atque Sicilia, quę ambo Regna ad Henricum filium, iure dotali pertinebant; pactumque præmium Siracusæ, Vrbs Siciliæ nobilissima.

II. Imperator, Genuensibus adnitentibus, Regnis potitus est, & obtulerunt Genuensibus Siracusæ, adeoque, si non Sicilia tota, saltem nobilissima eius pars Genuensibus obligit, ne qua maris mediterranei alicuius nominis Insula (exceptis Corcyra, Cephallenia, & Zacyntho, quę ad fauces maris Adriatici sitæ sunt, ideoque quasi Venetis debitæ) Genuensium omninò diceretur subterfugisse Dominium: Omnes enim alias aliquando in eorum potestatem peruenisse vndequaque collegimus. Et ipsa Rhodus, cum quinque alijs minoribus adiacentibus insulis, ab Saracenorum seruitio, per Equites Hierosolymitanos, non nisi adnitente Romano Pontifice, & decem Genuensium triremibus, erepta est: Insuperque anno

1371. Genuenses Melitam Insulam ,
& Massarum Urbem in Sicilia subege-
runt , piratarum ad illas confugien-
tium malo .

SECTIONO VI.

DE REBUS GESTIS

*Pro Sancta Romana Ecclesia ad-
uersus Fridericum II. Impe-
ratorem .*



I. FRIDERICO Impera-
tori successit Henricus,
Henrico verò Frideri-
cus Secundus , qui diu
in Genuensium per-
stitit amicitia . Sed , ut
primum desciiuit à bonis , & Sanctam
Romanam Ecclesiam vexare cœpit ,
Genuensem etiam Rempublicam , Ec-
clesiæ , Deoque semper adherentem ,
agitare non destitit ; atque inter va-
rias conflictationes , aliquando Ge-
nuensium classis , cum aliquos Cardi-
nales , & quamplures Episcopos Ro-
mam ad Pontificem Gregorium no-
num cētenarium , Concilium aduersus

Fridericum cogere satagentem, transfuehentos, ipso per Legatum suum flagitante Pontifice, suscepisset; cum Imperatoris, Pisanoꝝque simul iunctis classibus infeliciter pugnavit, triremibus duabus supra viginti desideratis. Sed paulò post Imperatoriam classem obsedit apud Saonam, quæ ab aliquibus Genuensibus, pro Imperatore aduersus Patriam stantibus, à Republica auulsa fuerat, & parùm abfuit, quin illam opprimeret. Sed, orta valida tempestate, Genuensium classis coacta fuit ad portum viciniorẽ confugere, &, priusquam ad obsidionem, prioremque stationem rediret, in Siciliam Imperatoria classis aufugit; at malè à mari, peius ab hostibus constante obsidione multata.

II. Bellum hoc, pro Pontifice Romano Gregorio IX. susceptum, & pro Innocentio IV. (quem aliquando classis Genuensis e faucibus Imperatoris exemit) ad multos annos productum; Genuensibus (tamen semper, excepta vna illa memorata pugna, victoribus) bellum
 civile

ciuile dedit, pessimo publico, quod Reipublicæ obstitit incrementis, imò illam maximis detrimentis attriuit : ab illo enim factiones Guelphorū, & Gibellinorum, aliæuè alijs nominibus, sed re eadem, inductæ sunt. Hinc primò accersiti sunt Iudices, ac Prætores extranei, controuersijs iudicandis, criminibusque puniendis : Scilicet Cines, factionibus scissi, res suas, imò & caput suum aduersarum partium Iudicibus committere non audebant. Mox gliscentibus in dies simultatibus, ac inimicijs inter nobiles, locus factus est alijs sese in Reipublicæ gubernationem intrudendi, & etiam quandoq; nobiles extrudendi : adeoque ab anno 1300. circiter innumeræ sibi inuicem succedentes extiteræ Reipublicæ mutationes usq; ad annum 1528. cum tandem redijt amor pacis, & ciuilis cura concordia, quæ iam fermè scsquiseculo durauit, & durat.

III. Nec mirum Genuam, semel peste belli ciuilis infectam, diù semetipsam miserè lacerasse, iuxta Oraculum Diuinum de quocunque

Regno in se ipso diuiso, atque discordi: Nil enim intollerabilius Genuensibus, qui iam inde ab anno 936. atque à tertia origine, quam retulimus, plena libertate fruebantur, quique tot, tantisque periculis sese, vel pro fide, vel pro Maris Imperio indefinenter obiecerant, quam inimico cui parere. Nam discordia volatili- cum quidem est malum, sed pertinax, & suos utique furentes impetus modò hùc, modò illuc, sed semper in discordes ipsos obstinatè conuertit: Vtq; aliquando facescisse videatur; tamen, vsque recurrit, ac validior recrudes- cit. Siquidem populi, qui dicuntur aquæ multæ, facilius mouentur in fluctus, quàm redeant ad tranquillitatem; & sæpè, vel finito bello, pax tardè re- dit. Contra autem concordia verè dici potest Spiritus vadens, & non re- diens, nisi vehementi Spiritu gratiæ cælestis afflante, quod tandem aliquā- do Genuensibus benignitate Diuina contigit: Siquidem post duo, & ultra tristia admodum sæcula, Deus, mala, in quæ Genuenses sese pro sua Eccle- sia induerant, miseratus, eis curan- dis

dis manu admouit; nec alij cuiumque vel Ciui, vel extero, rerum potito, curationem mandauit; nolens illos, aut Libertatis iactura, aut alterius partis interneccione, proscriptioneque pacem recuperare; Imò vincen-
tibus semper dedit calculum candidū, bonam scilicet, piamque mentem erga victos, ne post victoriam, in alicuius necem durarent, firmandæ dominationi: quæ in prosperis moderatio vix de alia Republica legitur: opus omnino misericordis Dei; qui non fecit taliter omni nationi; Certè, vt Romana res vtrunque maneret, vnum imperitare oportuit, omnemque potentiam ad vnum conferri pacis interfuit. Ergò anno 1528. Deus, pæstilentiæ flagello arrepto, Genuenses ad vnicuique ordinis constitutionem, per quem Respublica administraretur, adduxit.

IV. Mirabile est, in tanta plusquam duorum seculorum iactatione, atque inconstantia, qua tantum ciuile sanguinis haustum est, tantumque auri profusum, Genuenses, in expeditionibus, quæ aduersus externos hostes, innumere contigerunt, tot victorias
repor-

reporcasse, etiam dùm Reipublicę gubernacula sæpè externis Principibus; vel concorditer credita fuissent, vel ab altera factionum, suis viribus diffidente, & externis potiùs, quam Ciuibus, cedere volente, tradita.

V. Idem miraculo esse debet, tanta Genuensium in longinquis Orientis, & Septentrionis regionibus dominia, ad tot Reipublicę mutationes non concidisse, & nullis vnquam, nisi Turcarum armis, capta demùm Constantinopoli, & nec statim; nec omninò cecidisse: Nam Chium Insulam vsque ad annum 1566. tenuerunt; vulgato primum per Genuenses arcano, diremptas immenso mari, atque tanta terrarum distantia gentes, iusto imperio regi posse, armisque propugnari.

VI. Ut vel ex his pateat, Exterorum gubernationes semper precarias fuisse, ad quietem Ciuium, non ad Exterorum dominationem inductas, & ad qualemcunque Ciuium concordiam semper excussas: Nam alioqui minimè integrum fuisset Reipublicę pro arbitrio in regionibus remotissimis, pro suis ditionibus, dominijs, atque com-
mer-

mercijs bella gerere; atque omnino oportuisset à proprijs ad Exterorum Dominiorum (si Domini fuissent) comoda, arma conuertere. Quod etiam patet ab Sancti Georgij domo, in qua uis Reipublicæ fortuna; ab omni vi semper intacta, quod Romæ, Caio Iulio Cæsare Vrbe potito, in æde Monietæ utique non euenit. Itaque omnes, de Reipublicæ mutationibus loquentes, vel scribentes; eas non Domini, sed Gubernationis mutationes appellauerunt.


VII. Quod etiam aliundè patet expressè. Nam quantumuis aliquando Genuenses Exterorum Gubernationi subessent; tamen; de Dignitate contendebatibus eorum Legatis cum Legatis Reipublicæ Florentinæ, semper controuersia fuit Genuensibus adiudicata; scilicet coram Callisto Summo Pontifice anno 1456. Postea sub Iulio II. & Leone X.; itidem anno 1526. coram Carlo V. Imperatore; nec non anno 1499. coram Ludouico XII. Rege Francorum. Præterea anno 1493. sub Gubernatore Mediolanensi Reipublica, ipsa per se, missis ad Reges Catho-

tholicos Ferdinandum, & Isabellam Legatis, cum illis pacem iniit. Ulterius anno 1504. sub Gubernatore Frāco, Pisani a Florentinis afflictī, totis viribus pluries institerunt, vt Genuenses eos sub eorum dominio reciperent, vt supra retulimus. Ludouicus XII. Rex idem percupiebat: Sed Genuenses obfirmato animo renuerunt. Idem Rex non ita multò post enixè petijt, vt Respublica Corsicæ Episcopos mitteret ad Conciliū Pisanum, sed frustra, immota semper Republica: & Rex acquieuit.

Prima Exterorum Gubernatio obtigit Henrico Lucemburgensi Imperatori, cui concordibus Ciuium animis delata fuit ad viginti annos. Sed longè breuior fuit ipso Imperatore vita functo. Mox aliæ Exterorum Gubernationes vix inductæ euauerunt: Scilicet Genuensibus nonnisi in Libertatis sinu nactis animi tranquillitatem. Ferale ergò haud dubiè Genuensibus fuit bellum pro Ecclesia Sancta Dei cum Friderico II. Imperatore susceptum: Sed tanti fuit vel vltima pati pro Deo.

S E C T I O VII.

DE BELLIS CVM VENETIS.

- I.  ERVM enim verò, præ
tot variorum armorum
strepitu, videbimur
fortasse obliti bello-
rum, quæ Genuenses
gessere cum Venetis.
Sed censuimus incipiendum nobis esse
ab antiquioribus: Nec annalium mo-
dò res cum aliquo Populo, vel Princi-
pe gestas, cum alijs esse confundendas.
Bella cum Venetis non adeo antiqua:
Nam anno 1238. iunctis viribus, &
communicatis vtriusque Ciuitatis insi-
gnibus, in Saracenos Christianorum
bono pugnaverunt. Sed circa annum
1258. orto in Palestina aliquo inter-
priuatos Venetos, ac Genuenses iur-
gio, bellum exarsit. Longum esset om-
nia euenta recensere multorum bello-
rum, quæ per annos septuaginta Ge-
nuenses, ac Venetos exercuerunt varia
fortuna, sed plerumque prospera Ge-
nuensibus, & numero victoriarum, &
ma-

magnitudine, & vniuersæ ferè Venetorum maritimæ ditionis iactura, & tandem ipsarum Venetiarum, & liberatis summo discrimine: cum è contrario Venetæ classes Liguriam, Ligusticumque mare vix aspexerint, & rarò Tyrrenum, quæ obuia sunt apud illorum temporum scriptores. Per hæc bella Genuenses aliquando ceperunt Oppida maritima Clodiam, Tergestum, Iustinopolim; Polam, Insulasque Cretam, Euboeam, Naxum, Andrum.

II. Genuensium Duces, quorum auspicijs magnæ res gestæ, multi fuerunt. Nicolaus Spinula Dux duodeviginti triremium pugnat foeliciter cum triremibus duodeviginti, earum vigintiquinque captis, ac in triumphum ductis. Obertus Doria, Dux ducentarum triremium, in quibus armatorum quadraginta quinque millia, & ex ijs octomillia vestibus auro renidentibus, ad pugnam prouocatus, hostem apud Siciliam præstolatur, sed frustrà. Lamba Doria, alter ex Urbis Capitaneis, cum triremibus duodeconaginta pugnat cum Veneta classe numero maiore,

re, eaque profligata septem supra octoginta triremes capit, quarum sexaginta septem incensis, reliquas, cum septemmillibus captiuorum, & Ducis Veneticadauere, triumphans ducit in patriam. Paganus Doria, Dux sexaginta triremium, vincit Venetos, Catalanos, & Græcos è conspectu Constantinopolis, captis hostilibus trireinibus quadraginta nouem, cæsis hominum quatuormillibus; & potitur Tenedo, notissima fama insula. Idem elapsis annis duobus, iterum vincit pugna magna, capto Veneto Duce, cum alijs quinque millibus quadringentis. Lucianus Doria vicit etiam pugna memorabili, sed gloria posthuma; in ipsa enim pugna iam victor occubuit. Nouissime autem Petrus Doria, in ipsa lacuna, post captam Clodiam, victor iterum nauali pugna, ac rogatus de pace, nimis superbe agens, & quascunque conditiones respuens, vrgensque, vt omnia suo permetterentur arbitrio, meruit à fortuna indignata, vel fatigata destitui. Nam Veneti capto à suæ lacunæ peritia consilio, & aliquibus nauibus loco opportuno demersis: Petrum,

trum, classemque in Clodiano portu clauferunt, adeoque huius facti beneficio ex victis victores euaserunt. Ex innumeris pugnis hæc fuere præcipuæ. Alioquin vario Marte pugnatum est, nec vnquam Genuenses aliquid de ijs, quæ possidebant, amiserunt.

S E C T I O VIII.

DE BELLIS CVM ARAGONIIS.

I.



ODO transeundum ad bella Genuensium cū Aragonijs. Bonifacius VIII. Pontifex Corsicam a Genuensibus ad Iacobum Aragoniæ

Regem transferre induxit in animum: quo iure, ipse viderit, ac senserit. Ad annum ergò 1332. bellum cœpit. Antonius Grimaldus Dux triremium quadraginta quinque, Maioricam capit, & diripit, & oram maritimam Cataloniæ terret magis, quam damno afficiat. Idem mox anno 1353. Dux sexaginta triremium, apud Sardiniam cum classibus Venetorum, & Catalano-
rum

DIGNITATE. 111


rum triremium octoginta congressus, vnam supra quadraginta triremes amisit. Anno verò 1420. Alphonfus Rex Caluium ex inopinato interceptit, Bonifacium potenti classe obsedit: sed Genuenses cum post acrem pugnam abscedere coegerunt, & non ita multò post, Francisco Spinula Duce, septem Naues Aragonias fugauerunt.

II. Inter hæc, contendente Rege Alphonso cum Ioanna Regina de Regno Neapolitano, decreuerunt Genuenses Regine valida classe opitulari, quæ classis Caietam deditione recepit, & exinde Neapolim. His cognitis Alphonfus Rex cum maxima, atque instructissima classe festinans aduenit, vt Caietam recuperaret, mox Neapolim: Cumque Blasium Axerentum, Genuensium classis præfectum, minaciter admonuisset, vt inde faceretur, neque indignationem suam à Caieta in se conuerteret; respondit Genuensis, se aduenisse ad Caietam obsidione liberandam. Concurrunt ergo infensæ classes, & victoria contigit Genuensibus, captis Rege Alphonso, & Rege Nauarræ, ac Henrico

rico eorum fratre, cum amborum Regnorum nobilitate primaria. Victoria omnino inter maximas recensenda, quæ magnum Duci nomen merito peperit: sicuti etiam Francisco Spinulæ Caietæ, eius virtuti commissæ, acerrima, & nobilissima propugnatio: qui Franciscus, reuersus in patriam; paulò post eidem Patriæ fuit auctor Libertatis, & vindex. Tandem pax conuenit, sed breuis, & anno 1458. recrudit bellum, missa ab Rege Alphonso ad Genuam ipsam oppugnandam magna classe: Sed Deus bello finem imposuit; ipso Alphonso morte sublato.

S E C T I O IX.

*DE REBUS GESTIS PROTVENDA
CONSTANTINOPOLI.*

I.  OS quoque iuuat, post longam armorum translationem, quiescere, additis ijs tantum, quæ Genuenses pro Constantinopoli conseruanda præstiterunt.

Anno

Anno 1457. Mahometes , Turcarum Imperator , Regiam Urbem ducentorum nauigiorum classe , & trecentorum armatorum millibus stipatus aggreditur . Iuxta Constantinopolim sita est Galata , siue Pera , Genuensium vetus Colonia , illis quondam à Michaelè Græco Imperatore data , ut dictum est , ob magna ipsorum promerita , & ab ipsis sibimet , aduersus aliorum Imperatorum ingratisimos conatus asserta . Prospicientes ergò Genuenses imminentem à Mahomete tempestatem , Galatam (cuius res agenda erat , si Constantinopolis peteretur) valido præsidio firmauerunt , eoque magnum armorum apparatus miserunt .

II. At Galatæi , quamuis aduersus Turcam , cum quo pacem habebant , nihil mouerent aperte , *agebant* (ut loquitur Leonardus Archiepiscopus Mitylenensis , qui bello interfuit , & fuit captus ab hostibus) *solicitam providendi curam armorum , ac militum* . De propugnatoribus vrbi Spondanus , tametsi Genuensibus parum æquus , habet in margine , *Ioannes Iustinianus* (quem Imperator Constantinus

tinus in summum Duccm elegerat)
columna Urbis. Item, *Stupet Mahomet-*
thes ad fortitudinem propugnatorum.

III. In narratione verò, *Qui autem*
hac præcipuò apud Græcos operabatur,
Ioannes Iustinianus erat cognomine Lon-
gus, patria Genuensis, navium Ligusti-
carum, quæ in portu erant, præfectus:
Qui Græcorum ignaviam miseratus (ut
Zigomalas ipse Græcus ingenue fatetur)
accepta ab Imperatore rerum intra civi-
tatem summa, ita sua dexteritate, con-
stantia, ac fortitudine Turcarum cona-
tus elusit, ut quandiù stetit, steterit etiam
Civitas, ubi cecidit, ceciderit & ipsa.

IV. Genuenses magna pars fuere
Exteriorum, qui Urbem tutabantur,
præcipuis inter illos Paulo, Troilo,
Antonioque de Bochiardis fratribus,
de quibus idem Leonardus hæc scri-
bit. *Paulus, Troilus, Antonius de Bo-*
chiardis fratres, in loco arduo Milian-
dri; quo Urbs tutebatur, arc proprio, &
armis, summa cum vigilantia noctu,
dieque, & spingardis horrendis, & ba-
listis viriliter pugnam sustinent, qui
tanta animositate nunc pedites, nunc
equites defendunt, ut Horatii Cecilitis vi-

*res repulsi hostibus aquare viderentur. Nam, nec muri fractis concussione, nec machinarum turbine territi, eternam sibi gloriam vendicant. Ab eodem Leonardo recensetur inter defensores insignes Hieronymus Italianus, Leonardus de Langasco, Ioannes de Furnarijs, Thomas de Saluaticis, Aloysius Gatilufius, omnes Genuenses, & nobiles. Septem Genuensium naues, inter quas dux Ioannis Iustiniiani, summi Ducis, portum clausurunt, & egregiè tutatæ sunt, vt habet Phranzes, cuius opera, & consilio Constantinus Imperator omnia administrabat; qui addit, *Manueli è Liguria regio ad portam, qua aurea dicitur, cum ducentis sagitarijs mandatur.**

V. Insuper Genuenses (dum bellum cum Rege Alfonso Aragonia gerebant, à quo Rege Sancti Florentij in Corsica oppidum captum fuit eodem tempore, quo capta à Mahomete Constantinopolis) Nicolai V. Summi Pontificis hortatu, non renuerunt classem in auxilium Constantinopolis adornare raro vtiq; ex-

plo: fortasse sine exemplo. Si enim Romani, Annibale Reipublicæ exitium intentante, miserunt sæpè suis per Hispaniam exercitibus supplementa, sua tutabantur. Genuenses Constantinopoli propugnandæ, præter ea, quæ diximus, quæque dicemus, classem parantes, tutabantur aliena, quasi rerum obliui suarum.

VI. Quod autem omnia supergreditur, omnemque ferè fidem excedit, Mauritius Cattaneus, nobilis Genuensis, trium Genuensium nauium præfectus, aliamque nauem onerariam, frumento onustam è Sicilia duccens, pugnat è conspectu Constantinopolis cum classe Turcica nauium ducentarum, vt Leonardus refert, eaque profligata, & duo leuim Turcarum millibus cæsis, ipso Mahomete inspectante, ac furente, & nec quicquam trecentum armatorum, millibus stipato; nullo ex suis cæso, paucis faucijs Urbem intrat. Sed hæc omnia frustra sunt acta, & Vrbs inclyta, Ioanne Iustiniano sagitta transfixo, & pugna excedere coacta, expugnata est: Mox dedita Galata; Exinde

xinde paulatim omnes Vrbes, Regiones, & Insulæ, quas Genuenses ad fauces Tanais, in Taurica Chersoneso, in Bitinia, atque ad pontum Euxinum, in Asia minori, in Græcia, atque ad Ægeum mare possidebant, à Turcis subactæ sunt, præter Chium, quæ durauit vsque ad annum 1566., quo à Solimano capta fuit. Tunc verò res contigit admirandæ virtutis, quam memorare, in tantorum cladum solatium, opportunum est, atque tacere esset iniuriosum.



S E C T I O X.

DE VIRIS SANCTIS GENVEN-
SIBVS, VEL ILLVSTRIBVS.

I.



CHIO capta, Solimanus Imperator (inquit Spondanus anno 1566.num. 8.) iussit Justinianorum familias Theodosiam, in Thaurica Chersoneso depositari. Cumque unus & viginti eorum pueri; circiter decennes, ex alacrioribus, & magis vinidis, Constantinopolim adducti, inter Solimani Ephebos educendi, retenti fuissent, & vi circumcisi; nullus tamen eorum, in tenera illa aetate induci potuit ad fidem abnegandam, Unde, virgis dirissime casi penè omnes interierunt, quarum unus sub mortem adstrictus digitum attollere in signum abiuratae fidei, è contra ita digitos ad pugnum strinxit, ut nec vivo, nec mortuo manus amplius aperiri potuerit. Hæc Spondanus.

II. Grande puerorum facinus anteceffe

tecesserat aliud admirabile, atque insolitum fœminarum, quod idem Spōdanus tradit his verbis, ad annum, 1301. num. 14. *Memorabile est, quod eodē hoc anno nonnulla mulieres nobiles Genuenses, ardore fidei ad subsidium Terra Sanctæ accensa, dum Reges, & Principes, alijque Dynasta, ad arma docti, ei succurrere detrectarent, virilem animum induentes, non solum suorum largitione bonorum suppetias ferro decreuerunt, verum etiam ipsæmet cum nonnullis suis concinibus, transfretare, ad exhibenda obsequia bellatoribus Christi; quarum laudabilem conatum Bonifacius Pontifex dignis præconijs commendavit, tam ad ipsasmet scribens quam ad Porchetum Spinulam, ordinis fratrum minorum, Archiepiscopum Gennensem, & alios.*

Harum verò Bonifacij Pontificis literarum exempla in Reipublicæ Palatio, vnâ cum earundem mulierum loricis, & galeis asseruantur, & sunt huiusmodi.

*DILECTO FILIO FR. PORCHET-
TO Spinulae Administratori Ec-
clesiæ Ianuensis.*

EN quod expectabamus inuenimus, vidimus, mulieres scilicet fortes, se per pietatis, & virtutum opera exercentes, suorum penitentię, & laborum panem portantes de longè, de exilio, scilicet præsentis peregrinationis, ad patriam, & surgentes de nocte mundialium tenebrarum, vt domesticis fidei Crucis aduersarios dent in prædam, & quasi non habentes hic manentem ciuitatem, futuram inquirant; accinxerunt fortitudine lumbos suos, brachium suum virilibus operibus roborarunt, quorum lucernæ non extinguentur in nocte; manus suas miserunt ad fortia, & palmas suas aperierunt inopibus, impendendo subuentionis auxilium exulibus Terræ Sanctæ pauperibus; à frigoribus niuis suis domibus non timebunt, cum sint vestitæ duplicibus; dabitur eis de fructu operum suorum, & in portis earum opera laudabun-

dabuntur; quæ sunt hæ, & laudabimus eas in vita sua mirabilia facientes? Iste sunt nonnullæ nobiles Ianuenses, & ipsarum sociæ, ac sequaces, quæ diuinitus inspiratæ, in sexu fragili viriles animos induerūt, exurgentes in dictæ Terræ succursum, ut stent cum Christo constanter in acie aduersus malignantes, & aduersus operantes iniquitatem, qui, proh dolor, terram inhabitant memoratam. O' miracula, ò prodigia, feminae præueniunt viros in sæpè dictæ Terræ succursum. Hæ amictu Sole, temporalia sub pedibus suis sternunt, significata per Lunam. Reges, & Principes mundi succurrere, etiam inuitati, effugiunt, feminae imbecilles vltro se offerunt. Vnde hoc? desursum utique à patre luminum, à quo omne datum optimum, & omne donum perfectum descendit. An non in mulieribus istis in nouata sunt signa, & mirabilia immutata? Accepimus namque, quod prædictæ mulieres, & ipsarum sociæ, & sequaces, decreuerunt suorum largitione bonorum per viam marini Estolij præfatæ Terræ

ræ statui subuenire sub ductu dilecto-
 rum filiorum nobilium virorum Be-
 nedicti Zachariæ , Iacobi Lomellini,
 Lanfranci Tartari, & Ioannis Blan-
 ci, ciuium Ianuensium, & nonnullæ
 ipsarum foemineos animos supergres-
 sæ, ad perfectiora feruntur, disponen-
 tes personaliter in particulari quasi
 passagio transfetare, ad exhibendum
 obsequia bellatoribus Crucifixi, per
 quos Christianitatis hostes, auxiliante
 Deo, poterunt impugnari, & in
 ipsa terra morari, ad calcandas huius
 mundi passiones, potius affigi eligen-
 tes cum populo Dei, quam tempo-
 ralis vitæ iucunditatem habere, aspi-
 cientes in remunerationem, quam
 oculus non vidit, nec auris audiuit,
 & in cor hominis non ascendit. Cum
 igitur tam luminosa opera non sint
 ponenda sub modio, sed super cande-
 labrum, vt ea, qui sunt in domo Dei
 videant, & prouocentur ad imitatio-
 nem ipsorum; discretionis tuæ per A-
 postolica scripta mandamus, quate-
 nus, congregatis clero, & populo Ia-
 nuensi ad eorum deducas notitiam
 supradicta, & ad imitandum tam sa-
 lubria

Iubria opera, secundum à Deo tibi concessam prudentiam, inducas eodem, & tam in Ciuitate lanuensi, quàm in eius Prouincia, riparia, & districtu, per te, vel alium, seù alios, cadentibus, & denuntiari facias, prout videris expedire. Ceterum nolumus te latere, quod in adiutorium tam fructuosi negotij porrectæ sunt nobis nonnullæ petitiones pro parte virorum, & nobilium mulierum prædictarum, quas prout expedire ipsi negotio vidimus, duximus liberaliter admittendas, prout in alijs nostris literis continetur; & volumus, quod hoc etiam per te, vel alium, seù alios deducas in publicam notitiam, diligenter in præmissis te aliter habiturus, quod exindè retributionis æternæ præmium consequaris à Deo, & nos tuam prudentiam commendare possimus. Qualiter autem processeris in præmissis, & vtilitatem, & fructus, quos prouenturos ex his, Deo auctore, confides, nobis seriosius rescribas. Datum Anagninæ quinto Idus Augusti anno septimo.

NOBILIBVS VIRIS BENEDICTO,

*Zacharia, Lanfranco Tartaro,**Iacobo Lomellino, & Ioanni**Blanco Civibus Ianuen.*

R Eceptis literis vestris per dilectum filium Fr. Philippum Saonen. Lectorem Ordinis Fratrum Minorum, ipsarumque considerato tenore, ac diligenter auditis, quæ dictus Frater nobis exposuit Oraculo viuæ vocis, exultauit cor nostrum in Domino, magna nobis ex ijs lætitiæ materia præbita, admirationis, & laudis. Sanè attendentes deuotionis feruorem, charitatis incendium, sanctumque propositum mulierum A. de Carmendino, I. de Ghisulphis, M. de Grimaldis, C. Francæ, A. de Auria, S. Spinulæ, S. & P. de Cibo, P. de Caris, & multarum aliarum mulierum sociarum, & sequacium Ianuen. quæ diuinitus inspiratæ ordinauerunt per succursum marini Stoliij sub vestro ductu, Terræ Sanctæ statui miserabili subuenire, per particulare passagium celeriter auctore Domino faciendum,

dum, petitionibus quibusdam per eundem Fratrem pro vestra, & ipsarum nobilium mulierum parte porrectis, sicut decuit, & expedire vidimus tanto negotio, duximus annuendum, prout hoc expressius in alijs nostris literis continetur. Nobilitatem itaque vestram monemus, rogamus, & hortamur, attentè obsecrantes in Filio Dei Patris, quatenus cum dictarum mulierum subsidio aperiatis viscera pietatis ad dictæ Terræ succursum, sicut athletæ strenui Crucifixi, ut in præsentī diuinam consequamini gratiam, & in futuro gloriam sempiternam, & sic, diuina vobis, & mulieribus ipsis assistente virtute, in instanti autumno possit huiusmodi particulare passagiū fieri, quod multum nobis esset acceptum. Tū Benedicte Zacharia, qui fuisti nobis familiarior ab antiquo, cum vno ex prædictis nobilibus tuis consocijs, hoc facto, ad præsentiam nostram accedas, præcedens dictum Stolum aliquibus diebus, ut tu, & socius per nos possitis super agendis plenius informari, & circa Romanam, vel Ter-

ræ laboris plagiam iungi Stolio memorato . Datum vt supra .

DILECTIS IN CHRISTO Filiabus nobilibus Mulieribus A. de Carmendino , I. de Ghisulphis , M. de Grimaldis , C. Franca , A. de Auria , S. Spinula , S. & P. de Cibo , P. de Caris , & alijs earum sociabus , & sequacibus Ianuen.

EX vestrarum , & dilectorum filiorum nobilium virorum Benedicti Zacharię , Iacobi Lomellini , Lanfranchi Tartari , & Ioannis Bianci ciuium Ianuensium literarum tenoribus , & relatione dilecti Filij Fr. Philippi Saonen. Lectoris Ordinis Minorum percepimus , quod vos , & alię quamplurimę mulieres Ciuitatis Ianuen. diuino spiritu inflammatae prouidẽ attendentes quod Calanus Magnus Tartarorum Imperator cum multitudine sui exercitus , licet paganus , regnum Hierosolymitanũ intrauerit ad expellendos de Terra Sancta Soldanum Babilonicum , eiusque

que sequaces incredulos, vt, ea Christiano cultui restituta, cantica Domini decantarentur in ipsa exultationis, & laudis; quodque Reges, & Principes, & alij Christiani potentes, & ad arma doctissimi, ad subueniendum dictæ Terræ, pietatis quodammodo viscera clausisse videntur, obturantes aures suas clamoribus exulum, qui Terram ipsam hætenus habitarunt, quorum raucae factæ sunt fauces in expetendo lacrymabiliter Terræ sepeditæ illi succurri, induitis mente viros in corpore fragili, decernentes sibi vestrorum largitione bonorum per viam marini Estolij subuenire sub ducatu Nobilium prædictorum, & nonnullæ vestrum, foemineos animos supergressæ ad perfectiora feruntur, disponentes in singulari quasi passagio transfretare; &c. vt in Bulla 53. Vt reformato corpore humilitatis earum, confirmetur Christi corpori claritatis secundum operationem, qua post etiam subijcere sibi omnia, qui in Cælis sedens ad dexteram Dei patris interpellat pro nobis, & exauditur

tur pro sua reuerentia . Non enim Pater æternus denegare quicquam potest Filio coæterno . Deuotionem igitur vestram , & charitatis incendium , sanctumque propositum dignis in Domino laudibus commendantes, desiderijs vestris libenter occurrimus , & nonnullas petitiones ad robur , & iuuamen negotij pro parte vestra petitas à vobis, ad exauditionis gratiam , prout decet , & expediens vidimus , liberaliter duximus admittendas, prout in alijs nostris literis super hoc cōfectis plenius continetur; sperantes in Domino , quod multiplicabit vobis socias , & alia tribuet incrementa; per quæ recuperabitur dicta Terra , & restituetur cultui Christiano , quam Dominus proprio sanguine consecrauit, & ipso largiente, qui potest, vobis multiplicabitur gratia, in præsentī, & eo duce , qui nouit , peruenietis ad æternam gloriam in futuro . Datum vt supra .

III. Ex eodem Spondano omitendum non est factum cuiusdam mercatoris Genuensis, cui nomen

In-

Inghetio, quod, æstimantibus, mirabile, nouumque apparebit. Spondani verba sunt hæc: *Eodem hoc anno (1280. num. 10.) quamplurimi Hebraei apud Insulam Maioricam, ut refert Nebiensis, Christiana religioni nomen dederunt, opera Inghetij, mercatoris Genuensis, qui, cum eo commercij occasione appulisset, & ferrè cum Iudeis in disputationem de fide incidisset, quamquàm omnis literaturæ planè rudis, tantùm tamen præualuit virtute Spiritus Sancti, ut Iudaorum eruditissimos, etiamque ex Aragonia euocatos, conuictos, multosque redditos, fidem amplecti compulerit.*

IV. Tandem, quando narratio ad singulorum facta deuenit, Genuæ eiusque Dominium summos viros omnis generis genuerunt: plures Romanos Pontifices; in primis Innocentium IV., eiusque fratris filium Hadrianum V. Fliscos, inter paucos eximios: Innocentium præcipuæ, qui Dei Ecclesiam armavit legibus, sapientia rexit; & victoricibus vltus est armis; quibus nec defuturus fuit Hadria-

Adrianus, si vita æquè suffecisset, ac virtus. Sixtum IV., & Iulium II. fratris filium de Ruuere, Pontifices magni nominis, quibus multum debet Ecclesia. Innocentium VIII. de Cybo, inter hos medium, qui meruit vel à Baiazete, Turcarum Imperatore coli, atque eo ferro lanceæ donari, quo Christi latus apertum est: Imò a Deo ipso augeri titulo Sanctæ Crucis, cum triplici inscriptione, eo Pontifice Romæ inuento. Insuper Urbanum VII. Castaneam, qui consumatus in breui, expleuit tempora multa, atque ex ijs, quæ non fecit, ea, quæ facturus fuisset, ostendit. Siquidem omnium aliorum propinquiorē consanguineum Petrum Millinum (Ioannis Garziæ, postea à Paulo V. creati Cardinalis fratrem natu maiorem) electionis suæ tempore in Lusitania spoliis Ecclesiasticorum Collectorem, quem Aula vniuersa vocabat ad Purpuram dominatricē, quemque ipsius Pontificis fessæ senectæ, & affecta valetudo, vti necessarium adminiculum flagitabat; vix ad Nunciij Hispanici munus admo-

uit;

uit; vnico vsus ad omnium de pur-
pura sermones responso. *Si mei non
dominati fuerint, tunc immaculatus
ero, & emundabor à delicto maximo.*

Qua animi firmitudine meruit duo-
decimo Pontificatus die ab ærumnis
vitæ mortalis, vt omninò sperandum
est, ad immortalis bona transferri.
Omnes hi Christi Vicarij ex familijs
patritijs, atque in Genuensi Ciuitate
primarijs. Dominium verò Genuen-
se ex Vrbe Luna, atque Sarzana, duos
itidem Romanos Pontifices, Sanctū
Eutichianum, Christi Martyrem,
& Nicolaum V. Pontificem lauda-
tissimum, & omni laudi parem, de-
dit Ecclesiæ. Liguria Ælium Perti-
nacem, & Proculum Imperatores
dedit Imperio. Genua, atque Ligu-
ria, innumeris purpuratis patribus,
ijsque egregijs, Ecclesiam auxit. Sed;
quod caput est, Genua, post accē-
ptam à Sancto Barnaba Apostolo,
Sanctisque Nazario, & Celso Christi
fidem, numquam ab Ecclesia Roma-
na desciuit, adeoque, numquam san-
guine Martyrum maculata est, at
contra proprio sanguine purpurata,
ab

ab Saracenis anno 936., & ab Solimano anno 1566., vt supra retulimus: Sed omnibus annis, omnibusque sæculis.

V. Genua pluribus Sanctis Martyribus, & Confessoribus auxit aulam Cælestem: Sanctis quinq; antistitibus suis, sui que sanguinis Salomone, Felice, Syro, Romulo, Valentino. Insuper Ioannē, agnomine Bono, Antistite Mediolanensi, Desiderio Episcopo Lingonensi, & Christi martyre, Secundino, & Vrcifino martyribus, Alberto Monacho, Alexandro Saulio Episcopo Papiensi, Catharina Flisca nupta viro de domo Adurnorum, Beato Iacobo de Voragine: Nostra autem memoria Carolo Spinula è Societate Iesu, lento igne in Iaponia consumpto. Dedit etiam Genua Sanctæ Ecclesiæ Ioannem, Augustinum Adurnum nostro sæculo Clericorum minorum fundatorem, ex qua religiosorum familia Dei cultus Doctrinis, ac vitæ sanctitate, & modò illustratur, & deinceps magis illustrandus speratur.

VI. Ex Genuensi nobilitate Andro-

Arronicus, Græcorū Imperator, Argentinam Spinulam Theodoro filio, Montis ferrati Marchioni, coniugē asciuit; Constantinus Imperator Æchatharinam Gatilufiam, Principis Lesbij Genuensis filiam, duxit uxorem, qui Princeps per eadem ferè tēpora Mariam Iustinianam, filiam Paridis, qui vnus erat ex ijs, qui Chiū Insulam tenebant, coniugem sumpserat, atque huius generis connubia multa, æquē splendida. Thomas, Sabaudia tunc Comes, aliquandò cū aliquo equitatu Reipublicę Genuensis stipendia fecit.

VII. Ex hac Patria Christophorus Columbus dedit innumeris mortalibus, Deum ignorantibus, Cælum nouum, imò, iuxta sui nominis etymologiam, ipsum Christum Deum, quando eius remigio alarum Evangelium Regni transmisit Oceanum. Si Alexandro Macedoni Christophorus Dux contigisset, Oceanus, iam indè ab rerum initio parturiens, alterum, occidentalem scilicet Orbem, in Macedonia sinum effudisset. Sed digna superbo Regis hiatu ingesta,
offa,

offa, illum quantumvis auidis faucibus, solidum deglutire Orbem veterem non valentem, intercluso vitali spiritu, prefocasset: Monarchia enim Dei solius est.

Andreas de Oria Tyrreni maris arbiter fuit, inò ferè Mediterraneique Carolo V. Imperatore patris nomine cohonestatus; patris Patriæ, ac eiusdem liberatoris appellationem, meritò consecutus, eiusdemque Libertatis Conseruatoris gloriam (blâdis, sed validis tanti, & sibi indulgentissimi Imperatoris conatibus obfirmato animo resistendo) promeritus; Dignus omninò per quem Respublica inciperet, nec desineret.

Postremò Ambrosius Spinula, ab Rege Hispaniarum Dux assumptus in Belgio, mox in Germania, tandem in Italia, ei Ducatum adeò feliciter commodauit, vt multas Vrbes minutissimas expugnauerit; integras Prouincias in potestatem redegerit, semper victor, certè nunquā victus, triginta fermè annis in illo Duce eximiae virtuti ancillante fortuna.

Operosum esset nimis egregios
Ge-

DIGNITATE. 135

Genuenses Duces omnes, eorumque facta recensere, neque huius operis; sed ab omnibus traduntur historicis, & apud Genuenses Scriptores eadem non inuenimus magnificentius iactata, quam verius.

VIII. Dignitatem ergo Genuensis Reipublicæ a Dominio, a Gubernatione, a Potentia, a rebus gestis, & auctarij loco a Viris Illustribus nobis commodè deriuasse videmur. Nec magnificimus quosdam, qui alienæ gloriæ oblatrare non desinunt, atque Genuensibus, suæ Reipublicæ Regios honores asserentibus, multa vel falsa obijciunt, vel futilia, negantes Corsicam Insulam Regni titulo decoratam, cum vnũ tantum, præter alias probationes luce clariores, ad hoc probandum sufficiat, nempe Catholici Regis auctoritas, qui in Regnorum titulis Regem se Sardiniae, Cordubæ, & Corsicæ, hoc omnino verborum ordine, profectur: Negantes itidem eidem Reipublicæ Ligustici maris Imperiũ, quod illi omnes historiarum scriptores, omnesque Iurisperiti adiudicant, quod.

quodque Genuenses sibi tanto suo; ac Saraccenorum sanguine pepere-
runt. Præterquamquod, si idem Ca-
tholicus Rex Regem se fert eiusdem
Corficæ, quam nunquam habuit, si
Hyerosolimæ, quam nec per se, nec
per suos Duces aspexit; si magnæ
Britanniæ Rex se scribit Franciæ Re-
gem, quod aliquam eius partem ali-
quando occupauerit; si Hungariæ
Rex titulum meritò conseruat Re-
gni, cuius pars longè maior possi-
detur ab Imperatore Turcarum; Si
denique Sabaudia Dux Cypri Re-
gium titulum prætulit, quamuis
Regno nunquam potitus sit; Multò
magis Genuensis Respublica, quæ
Cyprum cepit, mōx Regi, tributa-
rio sibi constituto, restituit, Fama-
Augusta retenta; ac nonaginta an-
nis possessa, quæ cepit Cretam, Sar-
diniam, Maioricam, Minoricam,
Eubœam, Lesbum, Melitam, quæ
Chium, Smyrnâ, Achaïam, Teo-
dōsiam; atque ad Pontum, Euxi-
nū, Meotidemq; Paludem Vrbes,
ac Prouincias, quas retulimus, diu-
ritimè possedit; atq; pluries ad-
uer-

DIGNITATE! 137

versus Imperatorum, Regumque
maximos conatus asseruit; Regios,
honores iure optimo sibi quesivit
& iam in pluribus Aulis Regis est
adepta.

FINIS!







